

Ergaa Phaawulos Gara Warra Tasaloniiqeetti Erge

Isa Duraa

Nagaa

1 ¹ Phaawulos, Silwaanossii fi Ximotewos biraa, gara waldaa warra Tasaloniiqee isa kan Waaqayyoo abbaa fi kan gooftaa Yesus Kristositti caafame.

Ayyaannii fi nagaan isiniif haa ta'u*!

*1 HoE 15:40; 17:1,10; 2Tas 1:1

Jireenyaa Fi Amantii Warra Tasaloniiqee

2 Nuyi kadhata keenya keessatti maqaa keessan dhoofnee, yeroo hundumaa waa'ee hunduma keessaniif Waaqayyoon in galateeffanna*. ³Fuula Waaqayyoo keenyaa fi abbaa keenyaa duratti hojii amantii keessanii, jaalalaaf dadhabuu keessan, gooftaa keenya Yesus Kristosin abdachuutti jabaachuu keessanis in yaadanna*. ⁴Obboloota nana! Waaqayyoo akka isin jaallate akka isin fo'ates nuyi in beekna*. ⁵Wangeelli nuyi isiniif lallabne humnaa, hafuura qulqulluudhaan akkasumas amansiisa guutuudhaan malee, sagalee duwwaadhaan gara keessan hin dhufne; nuyi immoo sababii keessaniif namoota attamii taanee akka isin gidduu turre in beektu*. ⁶Isinis fakkeenya keenyaa fi fakkeenya gooftaa duukaa buutaniittu; yoo baay'ee rakkattan iyyuu, gammachuu hafuura qulqulluu biraa dhufuun dubbicha fudhattaniittu*.

⁷Kanaan isinis amantoota warra Maqedooniyaa fi, warra Akaayyaa hundumaaf fakkeenya taatan*. ⁸Dubbiin gooftaa inni isin biraa ka'e Maqedooniyaa fi Akaayyaa duwwaatti dhaga'ame miti; amantiin isin Waaqayyotti qabdan iddoo halletti ba'ee barameraa; waa'ee kanaafis waan jechuun nu barbaachisu tokko illee hin jiru*. ⁹Nuyi attamitti akka isin gidduutti simatamne isinis Waaqayyoo isa jiraataa fi isa dhugaadhaaf hojjechuuf attamitti waaqayyolii tolfaman irraa gara Waaqayyootti akka deebitan isaan ofuma isaaniitti iyyuu in himu*. ¹⁰Deebi'uun keessanis ilma isaa isa waaqa irraa dhufu, isa inni warra du'an keessaa kaase Yesus isa dheekkamsa dhufu jalaa nu oolchu eeggachuudhaaf*.

*2 2Tas 1:3,11

*3 1Qor 13:13; Qol 1:4-5

*4 2Tas 2:13

*5 2:13; 1Qor 2:4-5

*6 HoE 17:5-9; 1Qor 11:1; 2Tas 3:7,9

*7 4:10; 1Phe 5:3

*8 Rom 1:8

*9 2:1; HoE 14:15; 1Qor 12:2

*10 4:16; 5:9; Rom 5:9; Tit 2:13; HoE 17:31

Mandara Sanatti Maal Akka Hojjete Yaadachiisuu Isaa

2 ¹ Obboloota nana! Isin bira dhuu fuun keenya utuu waa'ee hin baasin akka hin hafne isin ofii keessanii

iiyyuu gaarii gootanii in beektu*. ² Isin bira utuu hin dhufin Filiphisiyusitti akka dhiphanne, namoonni akka nutti darbanis in beektu. Isin biraas warri nuun morman utuma baay'atanii iyyuu, wangeela isaa akka isinitti himnuuf Waaqayyoo keenya ija jabina nuuf kenneera*. ³ Wanti nuyi isin gorsinu jal'ina keessaa, xuraa'ummaa keessaas hin baane; haxxummaas hin qabu*. ⁴ Akka isa Waaqayyoo qoree nu ilaalee, wangeela hadaraa nutti kenneetti in dubbanna; namoota utuu hin ta'in, Waaqayyoon isa garaa keenya qoree ilaalu gammachiisuudhaaf in dhamaana*. ⁵ Nuyi isin biratti warra dubbii itti kuulan, warra ittiin qabanii nu ga'a jechuu dadhabuu isaanii dhokfatan akka hin ta'in ba'eessa gootanii in beektu; kanas Waaqayyoo in beeka*. ⁶ Nuyi isin irraas yoo ta'e warra kaan irraas yoo ta'e namoota irraa ulfina hin barbaanne*. ⁷ Nuyi akka ergamoota Kristositti ulfaatoo ta'uu utuma dandeenyuu, akka haadha ijoollee ishee ofitti qabduutti isin gidduu jiraanne. ⁸ Firoomaaf baay'ifnee isin in yaadna; sababii isin jaallannuuf wangeela Waaqayyoo duwwaa utuu hin ta'in, lubbuu keenyas immoo isiniin ga'uun nutti in tola. ⁹ Obboloota nana! Hojiitti isiniif dadhabuu keenya in yaadattu; nuyi isin keessaa nama tokkotti illee ba'aa akka hin taaneef talkanii fi guyyaa waan nu barbaachi-uuf hojjechaa, wangeela Waaqayyoo sinitti lallabne*.

¹ 1:5,9

² HoE 16:19-24; 17:1-9

³ 2Qor 2:17

⁴ 1Xim 1:11; Gal 1:10

⁵ Mar 12:40; HoE 20:33; 2Qor 4:2

⁶ Yoh 5:41,44

⁹ HoE 18:3; 20:34; 1Qor 4:12; 2Tas 3:8

¹⁰ Isin warra amantaniif nuyi qula'a'ota, qajeelota, mudaa malees akka ane isin dhugaa nuuf baatu, Waaqayyos immoo dhugaa nuuf ba'a. Nus tokkon tokkon keessan akka obaan itti ijoollee isaa ilaalutti isin aaluu keenya gaarii gootanii in beek*. ¹² Waaqayyoo isa mootummaa aatii fi ulfina isaatti isin waame naaf akka ta'utti akka jiraattaniif in gorsina isin in jajjabeessina, ugaas isinitti in baana*.

*11 1Qor 4:14-15

*12 Efe 4:1; Filp 1:27

Amantii Isaanii Fi Obsa Isaanii Himuu Isaa

¹³ Dubbii Waaqayyoo isa nuyi lallabnu yeroo argattan, akka dubbii namaatti utuu hin ta'in akka dubbii Waaqayyooitti fudhattaniitu; innoo, dhuguma dubbii Waaqayyoo ti. Waaqayyos isin warra amantan keessatti in hojjeta; kana hundumaaf ittuma fufnee Waaqayyoon in galateeffanna*. ¹⁴ Obboloota nana! Isin faana warra biyya Yihudaa keessaa karaa Kristos Yesus waldoota Waaqayyoo ta'anii duukaa buutaniitu; akkuma isaan harka warra Yihudootaatti dhiphatan isinis harka warra biyya keessaniitti dhiphattaniitu*. ¹⁵ Warri Yihudootaa goofticha Yesusin, raajotas in ajjeesan, nus in ari'atan; Waaqayyoon hin gammachiisan nama hundumaa wajjinis waliif hin galan*. ¹⁶ Warri saba Waaqayyoo hin ta'in akka fayyaniif nuyi in lallabna; isaan immoo safara cubbuu isa yeroo hundumaa hojjetan guuttachuudhaaf, akka hin lallabneef nu dhowwu. Gara dhumaatti dheekkamsi Waaqayyoo ammuma iiyyuu isaan irratti dhufeera*.

*13 1:2-6; Gal 1:11-12

*14 HoE 17:5,13

*15 Mat 5:12; 23:37; HoE 2:23; 3:15; 7:52; 9:23,29; 13:45,50; 14:2,5,19; 17:5,13; 18:12

*16 Mat 23:32-33

Deebi'ee Isaan Ilaaluudhaaf Hawwa Akka Qabu Dubbachuu Isaa

¹⁷ Obboloota nana! Garaan keenya wal bira yoo jiraate iiyyuu, yeroodhaaf fuula fuulaan wal arguu dhabnee erga gargar baafamnee, nuyi fuula keessan arguudhaaf hawwa guddaadhaan caalchifnee dhamaane. ¹⁸ Kanaaf dhufnee isin ilaalu barbaanne; ani Phaawulos addumaan deddeebi'ee yaaleera, Seexanni garuu nu ittise. ¹⁹ Abdiin keenya, gammachuun keenya, gonfoon nuyi dhufa gooftaa keenyaa Yesusitti ittiin isa dura dhaabannee, of jajannu isin malee eenyu ree*? ²⁰ Isin dhuguma ulfina keenya, gammachuu keenyas.

*19 2Qor 1:14; Filp 2:16; 4:1; 2Tas 1:4

Ximotewos Tasaloniiqeetti Ergamuu Isaa

3 ¹Egaa kana caalaa obsuu yeroo dadhabnetti, nuyi kophaa keenya mandara Ateenaatti hafuudhaaf murtoo godhanne*. ²Amantiitti akka isin jabeessuuf, cimsees akka isin gorsuuf, nuyi obboleessa keenya wangeela Kristosiif ergamuutis hojjetaa Waaqayyoo isa ta'e, Ximotewosin gara keessanitti ergine*. ³Namni tokko illee sababii rakkina kana hundumaaf hin raafamin! Isaan kanatti galuun akka nu irra jiru isin ofii keessanii in beektu*. ⁴Nuyi utuu isin bira jirruu rakkinni nu irra ga'uuf akka jiru duraan dursinee isinitti himneerra; akkasuma akka ta'es isin iyyuu in beektu*. ⁵Sababii kanaaf kana caalaa obsuu waanan dadhabeef inni nama qoru isin qoreera yoo ta'e, wanti nuyi itti dadhabaa turre kan waa'ee hin baafne akka hin taanetti amantii keessan beekuufan isa gara keessanitti erge*.

*1 HoE 17:14-16

*2 HoE 16:1-3

*3 Efe 3:13; 2Xim 3:12

*4 HoE 14:22

*5 Filp 2:16; Mul 2:10

6 Amma garuu Ximotewos isin biraa gara keenya dhufee, waa'ee amantii keessanii fi waa'ee jaalala keessanii oduu gaarii nuuf fide; akkasumas isin yeroo hundumaa gara-laafinaan akka nu yaadattan, akkuma nuyi isin arguu yaadnus nu arguu akka yaaddan nutti hime*. ⁷Kanaaf yaa obbolloota nana, gidiraa keenya hundumaa fi rakkina keenya keessatti waa'ee keessanii fi amantii keessaniin jajjabina arganneerra*. ⁸Amma isin gooftaatti jabaatanii yoo dhaabattan, nuyi iyyuu jireenya keenyaaf in jajjabaana. ⁹Nuyi fuula Waaqayyoo keenyaa durattis gammachuu waa'ee keessaniif nutti dhaga'a-me hundumaaf galata attamii Waaqayyooof dhi'eessuu dandeenya rec*? ¹⁰Nuyi fuula fuulaan isin arguudhaa fi, amantii keessan keessaas waan hir'ate isiniif dabaluudhaaf halkanii fi guyyaa dhimminee in kadhanna*.

*6 HoE 18:5

*7 2Tas 1:4

*9 2:19-20; 3Yoh la 4

*10 Rom 1:10-11

11 Ammas Waaqayyoo abbaan keenya gooftaan keenya Yesusis gara keessan dhufuudhaaf karaa keenya nuuf haa qajeelchu! ¹²Gooftichi jaalala isin walii fi namoota hundumaafis qabdan dabalee, akka isa nuyi ittiin isin jaallannutti hamma malee haa baay'isu*! ¹³Guyyaa gooftaan keenya Yesus qulqulloota isaa wajjin deebi'ee dhufutti, garaa keessan cimsee warra hin komatamne godhee qulqullummaa-dhaan fuula Waaqayyoo abbaa keenyaa dura isin haa dhaabu*!

*12 4:9-10

*13 5:23; 2Tas 1:7,10; Filp 1:10

Jireenya Waaqayyoon Gammachiisu Jiraachuu

4 ¹Obbolloota nana! Kana irraa kan hafe immoo Waaqayyoon gammachiisuudhaaf attamitti jiraachuun akka isin irra jiru barumsa nu irraa argattiiniitu; akkuma amma itti jirtan iyyuu caalchiftanii akka itti fuftan maqaa Yesus gooftaatiin isin in kadhanna, isin in gorsinas*. ²Waan gochuun isiniif ta'u maqaa gooftaa Yesusiin gorsa akka isiniif kennine in beektu*. ³Waaqayyoo halalummaa irraa fagaattanii qulqullummaatti jiraachuu isin irraa in fedha*. ⁴Dhiirri adduma addaan haadha manaa qabaatee qullaa'ummaa fi ulfinatti dhagna isaa eeggachuu haa beeku*! ⁵Akka saba warra kaanii warra Waaqayyoon hin beeknetti kajeellaa dhagnaatti, hawwa isaattis of hin kenninaa*! ⁶Egaa namni kana irra darbee dubbii kanatti hiriya isaa hin gowwoomsin; gooftaan warra balleessaa akkasii hojjetan in adaba jennee duraan dursinee isinitti himneerra, dhugaa isinitti baaneerras*. ⁷Xuraa'ummaatti utuu hin ta'in, qullaa'ummaatti akka jiraannuuf Waaqayyoo nu waame*. ⁸Egaa namni gorsa kana tuffatu, Waaqayyoon isa hafuura isaa qulqulluu isiniif kennu tuffata malee, nama tuffata miti*.

*1 4:10; 1Qor 15:58

*2 2Tas 3:6

*3 1Phe 1:16

*4 1Qor 6:13-20

*5 Rom 1:24

*6 1Qor 6:7-8

*7 1Phe 1:14-16

*8 Luq 10:16; 2Qor 5:5

Deebi'ee Dhufuu Gooftaaf Akka Qophaa'aniif Gorsuu Isaa

5 ¹Yaa obbolloota ko! Waa'ee bariichaa fi waa'ee yerichaa garuu isiniif caafuun barbaachisaa miti*. ²Guyyaa gooftaa akka hattuun halkan dhufutti akka dhufu isin iyyuu ba'eesa gootanii in beektu*. ³Namoonni, "Nagaa dha, gabii dhas" utuma jedhannii, badiisii itti hin yaadamin akka ciniinsuun dubartii ulfaatti dhufutti isaan irra in ga'a; kana jalaa ba'uunis hin jiru*. ⁴Obbolloota nana, isin garuu dukkana keessa waan hin jirreef, guyyaan sun akka hattuutti isin irra ba'uu hin danda'u. ⁵In hin hundumti keessan ilmaan ifaa ti, ilmaan guyyaa tis; nuyi warra halkanii yookiis warra dukkanaa miti*. ⁶Egaa kottaa in dammaqnaa, of in qabnas malee, akka warra kaanii rafuu in dhiifnaa*! ⁷Warri rafan halkan in rafu, warri machaa'anis halkan in machaa'u. ⁸Nuyi garuu warra guyyaa erga taanee of in qabna, maddaa sibiilaa isa kan amantii fi jaalala in uffanna, abdii fayyinaas akka gonfoo sibiilaatti mataatti in kaa'anna*. ⁹Waaqayyoo karaa gooftaa keenyaa Yesus Kristos fayyina akka argannuuf malee dheekkamsaaf yaadee nu hin qopheessine*. ¹⁰Nuyi warri jireenyatti jirrus, warri obbaafannes jireenya isaa akka qabaannuuf, Kristos nuuf du'e*. ¹¹Kanaaf akkuma amma gochaa jirtan, wal jajjabeesaa, wal cimsaas*!

*1 Mat 24:36

*2 Mat 24:42-44; Luq 12:39; 2Phe 3:10; Mul 3:3; 16:15

*3 Er 6:14; Luq 21:34-35

*5 Luq 16:8; Rom 13:12; Efe 5:8-9

*6 Rom 13:11-12; 1Phe 4:7; 5:8

*8 Efe 6:13-17; Isa 59:17

*9 2Tas 2:14; 1Xim 2:4

*10 Rom 14:7-9

*11 Ibr 10:24-25

Gara Dhumaatti Gorssee Nagaa Dhaamuu Isaa

12 Obbolloota nana, warra isin gidduutti hojiitti dadhaban, karaa gooftaas warra isin geggeessanii fi isin gorsan ulfinaan akka ilaaltan isin in kadhanna*. ¹³Sababii hojii isaaniitiifis herregaa jaalalaatiin baay'ee ol isaan qabaa; walii keessan gidduutis nagaa qabaadhaa*! ¹⁴Obbolloota nana, warra hojii hojjechuu dhiisan gorsitanii akka qajeelchitan,

9 Waa'ee obbolloota jaallachuu immoo isiniif caafuun barbaachisaa miti; wal jaallachuun akka isin barbaachisu Waaqayyoo isin barsiiseera*. ¹⁰Isinis kanuma duukaa buutanii obbolloota guutummaa kutaa biyya Maqedooniyaa keessa jiran hundumaa in jaallattu; ammas immoo caalchiftanii akka itti fuftan isin in gorsina, yaa obbolloota ko*. ¹¹Akkuma nuyi dur isinitti himnetti jireenya gabii jiraachuu, maayii keessan dhimma baafachuu, waan ittiin jiraattan argachuudhaaf harka keessaniin itti dadhabdani hojjechuu ulfinatti lakkaa'adhaa*! ¹²Akkasitti yoo jiraattan warra alaa biratti ija ulfinaatiin in ilaalamtu; waan isin barbaachisuufis harka nama tokkoo iyyuu hin eeggattan*.

*9 3:12; Er 31:33-34; Yoh 6:45; 13:34; Rom 12:10; 1Yoh 2:27

*10 4:1

*11 Efe 4:28; 2Tas 3:6-12

*12 1Phe 2:12; Qol 4:5; 1Qor 5:12

Waa'ee Deebi'ee Dhufuu Gooftaa Dubbachuu Isaa

13 Obbolloota nana! Akka namoota abdii hin qabnetti akka hin gaddinetti, waa'ee warra obbaafataniif abdii jiru akka beektan in barbaanna*. ¹⁴Yesus du'ee du'aa akka ka'e erga amannee akkasuma immoo Waaqayyoo warra obbaafatan karaa Yesus, isumaa wajjinis leebisee akka fidu in amanna*.

*13 1Qor 15:16-24; Efe 2:12

*14 Rom 14:9; 1Qor 6:14; 15:3-4

15 Nuyi amma dubbii gooftaa keessa waan arganne isinitti himuuf jenna; nuyi warri gaafa gooftaan deebi'ee dhufu utuu hin du'in jirru, warra obbaatan dura hin buunu*. ¹⁶Sagaleen gudisee nama abboomu, sagaleen angafa rgamootaa in dhaga'ama, malakanni Vaaqayyooos in afuufama. Kana hundumaa wajjin gooftaan waaqa irraa gad in u'a; warri Kristositti amananii du'an ura in kaafamu*. ¹⁷Kana booddee nuyi arri utuu hin du'in hafne immoo, aanumaa wajjin qilleensa keessatti goftaa simachuudhaaf duumessa keessol in butamna; ergasii yeroo hundumaa gooftaa bira in jiraanna*. ¹⁸Kanaas dubbii kanaan wal jajjabeessaa! ¹⁹1Qor 15:23,51-52

*6 2Tas 1:7-10; Mat 24:31

*7 Yoh 12:26; 14:3; 17:24; 2Qor 5:8

warra garaan isaanii sodaate akka too-siftan, warra dadhabaniif akka yaaddan, namoota hundumaafis akka dandeessan isin in gorsina*. ¹⁵Yeroo, hundumaa walii keessaniif, namoota hundumaafis gaarii gochuu yaadaa malee, namni tokko illee waan hamaadhaaf hamaa akka hin deebifne ilaalladhaa*!

*12 1Qor 16:18; 1Xim 5:17

*13 Ibr 13:17

*14 2Tas 3:15; Gal 6:1

*15 Rom 12:17; 1Phe 3:9-11

16 Yeroo hundumaa gammadaa*!

¹⁷Kadhata keessan ittuma fufaa malee hin dhiisinaa*! ¹⁸Waan hundumaatti Waaqayyoon galateeffadhaa! Waaqayyo karaa Kristos Yesus kana gochuu keessan in fedha*. ¹⁹Hafuura qulqulluu hin ukaamsinaa! ²⁰Wanta Waaqayyo namatti mul'isee himsiisu hin tuffatinaa*! ²¹Garuu waan hundumaa qoraa, isa gaarii jabeessaatii qabadhaa*! ²²Waanuma hamaa ta'e dhiisaal

*16 Filp 4:4

*17 Luq 18:1-8; Rom 12:12; Qol 4:2

*18 Efe 5:20

*20 1Qor 14:29,30

*21 1Yoh 4:1

23 Waaqayyo inni nagaan namaaf kennu guutummaatti ofii isaatiif isin haa qulqulleessu; yeroo dhufa gooftaa keenyaa Yesus Kristosittis hafuura keessan, lubbuu keessan, foon keessanis fayyaatti mudaa akka hin godhannettis haa eegu*! ²⁴Inni isin waame amanamaa waan ta'eef, kana in godha*.

*23 3:13; 1Qor 1:8; 2Tas 3:16; Ibr 13:20-21

*24 1Qor 1:9; 2Tas 3:3

25 Obboloota ko, nuufis kadhadaa*! ²⁶Yaada qulqullaa'aadhaan dhu-dhungachuudhaan obboloota hundumaa nagaa gaafadhaa*! ²⁷Hadaraa gooftaa, ergaan kun obboloota hundumaaf haa dubbifamu*!

28 Ayyaanni gooftaa keenyaa Yesus Kristos isinii wajjin haa ta'u*!

*25 2Tas 3:1

*26 Rom 16:16; 1Qor 16:20

*27 Qol 4:16

*28 Rom 16:20-24

Gara Warra Tasaloniiqeetti Erge

Isa Lammaffaa

Nagaa

1 ¹Phaawulos, Silwaanosii fi Ximotewos biraa, gara waldaa warra Tasaloniiqee isa kan Waaqayyoo abbaa fi kan gooftaa Yesus Kristositti caafame*. ²Waaqayyo abbaan, Yesus Kristos gooftaanis ayyaana, nagaas isiniif haa kennu*!

*1 HoE 17:1; 1Tas 1:1

*2 Rom 1:7; 1Qor 1:3

Waa'ee Firdii Gaafa
Kristos Dhufu Kennamuu

3 Yaa obboloota ko, yeroo hundumaa waa'ee keessaniif Waaqayyoon galateeffachuun nu irra jira; amantiin ceessan safara malee guddachaa, jaaalli hundumti keessan adda addaan waliif qabdan baay'achaa waan adeenuuf galateeffachuun keenya qajeelaa lha*. ⁴Ari'atamuu keessan hundumaatti rakkina baattan keessattis obaa fi amantiin isin qabdaniif nuyi valdoota Waaqayyoo keessatti isiniin of in jajna*. ⁵Kana danda'uun keessan immoo firdiin Waaqayyoo qajeeaa ta'uu isaa, isin immoo mootummaa Waaqayyoo isa amma dhipha-haafii jirtan kanaaf kan maltan ta'uu eessan in argisiisa*.

3 2:13; 1Tas 1:2-3

4 1Tas 2:14,19; 3:2,7; 2Qor 7:4

5 Filp 1:28

6 Waaqayyo wanta isa duratti qajelaa ta'e in hojjeta erga ta'ee, warra in rakkisaniif rakkinaan dugda in aasa*. ⁷Isin warra rakkachaa jirtan nmoo gaafa gooftaan Yesus erga-loota aangoo isaa wajjin waaqa irraa ul'atu nuyii wajjin kana jalaa isin baasa*. ⁸Gooftichi ibidda boba'aa ajjin in mul'ata; gaafas warra Waaqayyoon beekuu hin barbaadin, warra angeela gooftaa keenya Yesusiif hin obboomaminis in adaba*. ⁹Isaan kun gaaf gooftaa duraa, ulfina aangoo aa duraas fageeffamanii badiisa baaraatiin in adabamu*. ¹⁰Kunis iyyaa inni qulqulloota isaa keessatti

ulfina argachuudhaaf warra isatti amanahan hundumaa birattis dinqiitti ilaalamuudhaaf dhufu sanatti raaw-watamuuf jira; isinis isa nuyi isinitti dhugaa baane waan amantaniif warra sanatti in lakkaa'amu*.

*6 Rom 12:19; Mul 18:6-7

*7 Mat 25:31; 1Tas 3:13; 4:16

*8 Rom 1:18-19; 2:8; 2Phe 3:7,10

*9 Mat 25:41,46

*10 HoE 1:11; Qol 3:4

11 Kanaafis Waaqayyo keenya waamicha isaaf warra malan akka isin godhatuuf, gaarummaadhaafis hawwa gaarii hundumaa hojii amantiin humna isaatiin fiixaan akka baasuuf yeroo hundumaa isiniif in kadhanna*. ¹²Kanaa maqaan gooftaa keenyaa Yesus isin biratti ulfina in argata; isinis akka ayyaana Waaqayyo keenyaatii fi akka ayyaana gooftaa Yesus Kristositti isa biratti ulfina in argattu.

*11 1Tas 1:2-3

Dhufa Gooftaa Dura Inni Hamaan
Sun Bakkeetti Ba'uu Isaa

2 ¹Ammas obboloota ko, waa'ee dhufa gooftaa keenyaa Yesus Kristosii fi waa'ee isaa wajjin walitti sassaabamuu keenyaa akka beektaniif waanan isin kadhaddu qaba*. ²"Guyyaan gooftaa ammuma iyyuu dhuferra" kan jedhu, wanta Waaqayyo nutti mul'isee himu keessa, dubbiidhaan yookiis caaffataan akka waan nu biraa ba'eetti isa odeeffamuun yaadni keessan dafee hin raafamin, hin naasifami-naas*! ³Waaqayyoon mormanii isa irratti ka'uun utuu hin dhufin, inni hamaan seera malee jiraatus ilmi badiisaa sun utuu bakkeetti hin baafamin, guyyaan sun hin dhufu; kanaaf namni tokko karaa kam illee isin hin walaalchisin*! ⁴Inni bakkeetti baafamuuf jiru sun ol of qabuudhaan Waaqayyo kan jedhamuun, waanuma namni itti sagaduunis in morma; ofuma isaatii Waaqayyo ofiin jechuudhaanis mana qulqullummaa Waaqayyoo keessa taa'umsa in dhaabbata*.

*1 1Tas 4:15-17

*2 1Tas 5:2-3; Mat 24:4-5

*3 Mat 24:10-12; 1Xim 4:1-3; 2Phe 3:3-10; 1Yoh 2:18; 4:3

*4 Isa 14:13-14; His 28:2; Dan 8:11; 11:36; Mul 13:5-7

5 Isa kana utuman isin bira jiruu akkan isinitti hime hin yaadattanii ree? *6 Yeroodhuma isaatti akka inni mul'atuuf amma wanti isa ittisu akka jiru in beektu. *7 Hamminni inni dhokataan sun kanumaan dura iyyuu hojii irra jira; garuu inni amma isa ittisu hamma karaa isaa duraa fuudhamutti hin mul'atu*. *8 Kana booddees inni seera malee jiraatu sun in mul'ata; Yesus gooftaan immoo hafuura afaan isaa keessaa ba'uun isa in ajjeesa; mul'innatti deebi'ee dhufuu isaatiinis isa in barbadeessa*. *9 Inni seera malee jiraatu kunis gochaa Seexanaatiin wanta hojii aangoo, milikkitootta fi dinqii fakkaatiiniis in dhufa*. *10 Warri baduuf jiran hunduu immoo fayyudhaaf dhugaa jaallatanii fudhachuu waan didaniif, gowwoomsaa hamminaa hundumaa isaan irratti in fida*. *11 Kanaafis Waaqayyo, wanta dhugaa hin ta' in akka amananiif gochaa nama wallaalchisu isaanitti in erga*. *12 Warra jal'innatti gammadanii dhugicha hin amanne hundumaatti akka faradamu in godha*.

*7 1Yoh 4:3

*8 Isa 11:4; Mul 19:15-20

*9 Mat 24:24; Yoh 8:44; Mul 13:11-13

*10 2Qor 4:3-4

*11 2:3,9; Mat 24:5-11; 2Xim 4:4; 1Mot 22:22

*12 Yoh 3:18

Isin Fayyinaaf Fo'amtan Jechuu Isaa

13 Obboloota warra gooftaadhaan jaallatamtanii, hafuuraan qulqulleeffamuudhaan, dhugichattis amanuudhaan akka fayyitaniif Waaqayyo warra jalqabaa godhee waan isin fo'ateef, nuyi waa'ee keessaniif yeroo hundumaa Waaqayyoon galateeffachuun nuuf in ta'a*. *14 Ulfina gooftaa keenya Yesus Kristos isinis akka argattanitti inni karaa wangeela isa nuyi isiniif fidne kanatti isin waame*. *15 Egaa obboloota nana, barsiisa, dubbii afaaniitiin yookiis ergaa caaffataatiin, nu biraa isinitti darbetti qabamaatti jabaadhaa dhaabdhaa*!

*13 Efe 1:4; 1Tas 1:4; 4:7

*14 1Tas 5:9

*15 3:6; 1Qor 11:2,23

16 Ammas gooftaan keenya Yesus Kristos Waaqayyo abbaan keenyas inni nu jaallate, ayyaana isaatiinis jajjabina bara baraa fi abdi gaarii nuuf kenne*. *17 Innumti garaa keessan haa jajjabeessu, hojii gaarii fi dubbii gaarii hundumaattis isin haa cimsu*.

*16 1Phe 5:10

*17 1Tas 3:11-13

Kadhataa Fi Amanannaa

3 *1 Kana irraa kan hafes, obboloota nana, dubbiin gooftaa dafee iddoo baay'ee ga'ee, isin biratti akkuma fudhatames, ulfinaan akka fudhatamuuf nuuf kadhadaa*! *2 Nama hundumatu amane miti; kanaaf Waaqayyo harka namoota yakkani fi hamaa godhanii akka nu oolchuufis immoo kadhadaa*! *3 Gooftaan garuu amanamaa dha; inni isin in cimsa, isa hamaa sanas isin irraa in eega*. *4 Wanta isinitti himne hundumaa akka raawwattan, raawwachuufis akka jirtan karaa gooftaa isin amananneerra*. *5 Gooftaan garaa keessan gara jaalala Waaqayyo ittiin nama jaallateetti, gara obsa Kristos argisiiseettis haa qajeelchu!

*1 1Tas 5:25; Qol 4:3

*2 Yoh 6:44

*3 1Tas 5:24

*4 2Qor 7:16; Gal 5:10

Hojii Hojjechuun Barbaachisaa Ta'uu Isaa

6 Ammas obboloota nana, isin keessaa nama hojjechuu dhiisee dhibaa'ummaatti jiraatu, nama akka barsiisa isa nu biraa argattaniitti hin jiraannettiis hidhata akka hiikkattan, maqaa gooftaa keenya Yesus Kristosiin isin in abboomna*. *7 Nuyi yommuu isin bira turre, hojjechuu dhiifnee dhibaa'ummaatti hin jiraanne; isinis fakkeenya keenya duukaa bu'uun hammam barbaachisaa akka ta'e ofii keessanii iyyuu in beektu*. *8 Nama tokkotti illee ba'aa akka hin taaneef halkanii fi guyyaa hojiitti dadhabnee hojjenne malee, utuu gatii hin baasiniif nama tokko irraa buddeena illee hin nyaanne*. *9 Nu ilaaltanii duukaa akka buutaniif fakkeenya isiniif taane malee, ba'aa isinitti

ta'uuf iyyuu nuyi karaa dhabne miti*. *10 Yommuu isin bira turre iyyuu, "Namni hojii hojjechuu hin barbaanne, midhaanis hin nyaatin!" jennee isin abboomneerra*. *11 Amma immoo isin keessaa kaan hojjechuu dhiisanii dhibaa'ummaatti in jiraatu; ofii isaanitti waan tokko illee hin hojjetan, hojii namaa keessa lixuu isaanii garuu in dhageenya. *12 Namoota akkasii kana gab jedhanii akka hojjetan, kan isaaniis nyaatanii akka jiraatan maqaa gooftaa Yesus Kristosiin in abboomna, in gorsinas*.

*6 Mat 18:17; Rom 16:17; 1Qor 5:11

*7 1Tas 1:6; 2:10

*8 1Tas 2:9; 1Qor 4:12

*9 HoE 20:35; 1Qor 9:6; Filp 3:17

*10 Uma 3:19; Bau 20:9

*12 1Tas 4:11

13 Obboloota nana, isin garuu wanta gaarii gochuutti hin laafinaa*! *14 Nama akka ergaa kanaatti dubbii keenyaaf hin abboomamne yaadaan qaba-

dhaa! Akka inni yeella'uttis hidhata isaa ta'uu dhiisaa*! *15 Akka obboleessaatti isa gorsaa malee immoo, akka diinaatti isa hin ilaalinaa*!

*13 Gal 6:9

*14 3:6; Tit 3:10; 1Qor 5:9,11

*15 1Tas 5:13-14; Mat 18:15;

Yaq 5:19-20

Nagaa Dhaamuudhaan Dubbii Isaa Xumuruu Isaa

16 Gooftaan nagaa ofii isaatii yeroo hundumaa, karaa hundumaan, nagaa isiniif haa kennu! Gooftaan hunduma keessanii wajjin haa ta'u*! *17 Ani Phaa-wulos nagaa koo kana harka kootiin isiniif nan caafa. Akki ani itti caafus akkuma kana; milikkinni inni ittiin beekamu kun ergaa ani caafe hundumaa irra jira*. *18 Ayyaanni gooftaa keenyaa Yesus Kristos hunduma keessanii wajjin haa ta'u*!

*16 Yoh 14:27; 1Tas 5:23; Rom 15:33

*17 2:2; 1Qor 16:21; Gal 6:11; Qol 4:18

*18 1Tas 5:28

Ergaa Phaawulos Gara Ximotewositti Erge Isa Duraa

Nagaa

1 *1 Ani Phaawulos, abboommiif Waaqayyo fayyisaa keenyaa fi Kristos Yesus abdii keenyaan ergamaa Kristos Yesus kanan ta'e*, *2 gara Ximotewos isa dhuguma amantiidhaan ima koo ta'eetti caafuu koo ti.

Waaqayyo abbaan, Kristos Yesus ooftaan keenyas ayyaana, araara, naaas siif haa kennu*.

1 1Qor 1:1; Qol 1:27

2 HoE 16:1; 1Qor 4:17; Filp 2:19-22;

Xim 1:2; Tit 1:4

Barsiisa Sobaa Irraa Of Eeggachiisuu Isaa

3 Yeroon Maqedooniyaa dhaquuf i'e akkuman si gorse ture, namoonni

tokko tokko barsiisa biraa akka hin barsiifne akka dhowwituuf, mandara Efesoon turuu kee nan barbaada*. *4 Mammaaksa amantii eeguu, hidda qomoo isaanii isa dhuma hin qabne lakkaa'uus akka dhiisan godhi! Wanti isaan godhan kun falmaa duwwaa kaasuu malee, akeeka Waaqayyoo isa amantiidhaan fudhatamu sanaaf hin hojjetu*. *5 Nuyi garuu barsiisa biraa sana dhowwinee, jaalala garaa qullaa'aa keessaa, yaada garaa hin boora'in keessaa fi amantii gowwoomsaa hin qabne keessaa ba'u dammaqsudhaaf in barsiifna*. *6 Namoonni gar tokko isaan kana irraa kaatanii, gara falmaa waa'ee hin baafneetti galaniiru*. *7 Isaan kun waan ofii dubbatan yookiis waa'ee isa cimsanii

dubbatan sanaa utuu hin hubatin, barsiisota seerichaa ta'uu in barbaadu.

*3 HoE 20:1,4

*4 4:7; Tit 1:14

*5 Mat 22:37-40; Rom 13:10; Gal 5:6; Qol 3:14

*6 6:4,20

8 Namni akka ta'utti yoo ittiin hojete, seerichi gaarii akka ta'e nuyi in beekna*. 9 Namichi sun, seerri nama qajeelaadhaaf akka hin tumamin in beeka; garuu warra seera malee jiraataniif, warra hin abboomamneef, warra Waaqayyo malee jiraataniif, warra cubbamootaaf, warra karaa qulqulluu irraa jal'ataniif, warra wanta qulqullaa'aadhaan mormaniif, abbootaa fi haadhota warra ajjeesaniif, warra gu-maaf*, 10 warra halaleedhaaf, warra nama gadhoomsaniif, warra nama bu-taniif, warra sobduudhaaf, warra kakaa sobaa kakataniif, kan biraas yoo jiraatan warra barsiisa sirriidhaan mormaniif tumame*. 11 Barsiifni sirriin kun immoo wangeela isa waa'ee ulfina Waaqayyoo eebbifamaa dubbatuu dha; inni akkan isa lallabuuf hadaraa anatti kennameera*.

*8 Rom 7:12

*9 Gal 5:22-23

*10 6:3; 1Qor 6:9-11

*11 1Tas 2:4

Araara Waaqayyoof Galateeffachuu Isaa

12 Ani, Kristos Yesus gooftaa keenya isa hojii koo kanaaf humna anaaf kenne kana, "Amanamaa dha" jedhee hojii isaa irra na dhaabuu isaatiif nan galateeffadha*. 13 Dur illee ani maqaa balleessaa, ari'achaa, humnaan nama irratti ka'aan ture; garuu amanuu koo dura wallaalummaatti waanan kana godheef, inni araara anaaf buuse*. 14 Ayyaanni gooftaa keenyaas amantii fi jaalala Kristos Yesusiin argamanii wajjin, guutee irra anaaf dhangala'eera*. 15 Dubbiin, "Kristos Yesus cubbamoota fayyisuudhaaf gara biyya lafaa dhufe" jedhu, amanamaa dha; guutummaatti fudhatamuunis in ta'aaf; warra cubbamootatti lakkaa'aman sana keessaa immoo ani isa duraa ti*. 16 Haa ta'u iyyuu malee, Yesus Kristos ana isa cubbuutti isa duraa ta'e kana keessaan obsa isaa guutum-

maatti akka mul'isutti, warra jireenya bara baraatii isatti amananiif fakkeenya akka ta'uuf, ani araara argadheera. 17 Mootii bara baraa isa hin duune, isa ijaan hin argamne, Waaqayyo tokkicha sanaaf baruma baraan ulfinnii fi guddinni haa ta'ul Ameen*.

*12 HoE 9:15; 1Qor 15:9-10; Gal 1:15-16

*13 HoE 8:3; 9:4-5; Gal 1:13-14

*14 1Qor 15:10

*15 Mat 1:21; 9:13; Luq 19:10

*17 Rom 16:27; Yih la 25

18 Ximotewos, ilma ko! Akka dubbii raajii waa'ee keetiif dubbatame sanaatti, gaarii gootee akka loltuuf abboommii kana hadaraa sitti nan ken-na*. 19 Kanaafis amantii, yaada garaa qullaa'aas qabaadhu! Namoonni tokko yaada garaa isaanii tuffachuu isaaniitiin amantii isaanii akka caccabaa markabaatti hurressaniiru*. 20 Himnewosii fi Iskindir, jara kana keessa jiru; ani immoo, Waaqayyoon arrabsuu dhiisuu akka baraniif, adaba harka Seexanaatti dabarsee isaan kenneera*.

*18 6:12; Yih la 3

*19 3:9; 6:10,21; HoE 24:16

*20 2Xim 2:17-18; 4:14; 1Qor 5:5

Waa'ee Kadhata Waldaa Keessatti Godhamuu Gorsuu Isaa

2 1 Ammas waan hundumaa dura himannaan, kadhannaan, warra kaaniif dubbachuun, galata dhi'ees-suunis Waaqayyo duratti nama hundumaa akka godhamuuf nan gorsa*. 2 Nagaatti gabiitti akka namoota Waaqayyootti jireenya ulfina qabu jiraachuu akka dandeenyuuf, moototaaf, biyya bulchuu keessatti warra aboo qaban hundumaafis akkasuma godhaa! 3 Kun gaarii dha, fuula Waaqayyoo fayyisaa keenyaa durattis fudhatamaa dha. 4 Waaqayyo, namni hundinuu akka fayyu, dhugaa beekuu biras akka ga'u in fedha*. 5 Waaqayyo tokkicha, inni gidduu dhaabatee Waaqayyoo fi nama walitti fidus tokkicha; inni immoo Kristos Yesus isa nama ta'ee mul'atee dha*. 6 Inni furii namoota hundumaatiif ofii isaa dabarsee kenne; kunis yeroo isaatti dhugaa baafame*. 7 Isa kanaafis ani lallabaa, ergamaas ta'een jira; kanas ani dhugaan dubbadha malee hin sobu; amantiiidhaan dhugaadhaan geggeeffamees

warra saba Waaqayyoo hin ta'in nan barsiisa*.

*1 Filp 4:6

*4 His 18:23; 2Phe 3:9; 2Xim 2:25; 3:7

*5 Yoh 17:3; Rom 3:30; Ibr 9:15

*6 Mat 20:28; Gal 1:4; 2:20; Tit 2:14

*7 2Xim 1:11; Rom 1:5; Gal 2:7-9

8 Lafa kadhata godhatanitti immoo warri dhiiraa yaada dheekkamsaa fi qoccooltoottiin utuu hin ta'in, yaada qullaa'aadhaan harka isaanii ol kaasanii akka kadhatan nan barbaada*. 9 Warri dubartii immoo amalli isaan argisiisan mataa tolfachuutti warqeedhaa fi callee naqachuutti, uffata gati-jabeessa uffachuutti, keessa ba'uudhaan of kuuluu utuu hin ta'in, uffata qajeelaa fakkaatu akka ta'utti uffachuudhaan maal naan jedhuudhaan, of qabuudhaanis haa ta'u*!

10 Dubartoota Waaqayyoof in saganna jedhaniif akka ta'uttis, wanta gaarii haa argisiisan*. 11 Dubartiin abboommamuu hundumaan gab jettee haa bartu*. 12 Dubartiin gabiitti haa jiraatu nan jedha malee, haa barsiiftu, dhiira irrattis aboo haa qabaattu hin jedhu*. 13 Addaam duraan dursee tolfame, Hewwaan immoo ergasii tolfame*. 14 Addaam hin sossobamne, dubartittiin garuu sossobamtee, seera-cabsituu taate*. 15 Haa ta'u iyyuu malee, dubartittiin mucaa da'uudhaan in fayyiti; warri kaanis amantiitti, jaalalatti, qullaa'ummaattis of qabuudhaan yoo jiraatan in fayyu*.

*8 Yaq 1:6

*9 1Phe 3:3-5

*10 5:10; Tit 2:3-5

*11 1Qor 14:34-35

*12 Efe 5:22; Uma 3:16

*13 Uma 1:27; 2:7,21-22; 1Qor 11:8-9

*14 Uma 3:1-6; 2Qor 11:3

*15 5:14; Tit 2:4-5

Warra Waldaa Kristiyaanaa Keessatti Geggeessituu Ta'an

3 1 "Namni ilaaltuu" hojii waldaa kristiyaanaa ta'uu fedhu, hojii a'eessa hawwa" inni jedhu dubbii amamaa dha*. 2 Ilaaltuun hojii waldaa kristiyaanaa, waan ittiin jedhan kan hin abne, nama haadha manaa tokkittii, ama dhugaatiitti of hin ganne, nama of ibu, nama ulfinaa, nama keessummoo-

ta jaallatu, nama warra kaan barsiisuu danda'us ta'uun isa irra jira*; 3 nama garraamii, naga-qabeessas malee, nama machaa'aa, nama lola jaallatus hin ta'in! Nama horii jaallatus hin ta'in! 4 Nama warra mana isaa ba'eessa godhee bulchu, ijoollee isaa ulfina hundumaan abboomamuuf kan guddisu, ta'uun isa irra jira*. 5 Namni akka itti warra mana isaa bulchu hin beekne immoo, attamitti waldaa Waaqayyoof yaaduu danda'a ree? 6 Of jajjuudhaan afuufamee, firdii isa kanaan dura Seexanatti faradametti akka hin kufnetti, nama dhi'oo amane hin ta'in! 7 Maqaan isaa badee kiyyoo Seexanaa keessatti akka hin kufnetti, warra alaa biratti maqaa gaarii qabaachuun isaaf in ta'a*.

*1 HoE 20:28

*2 Tit 1:6-9; 2Xim 2:24

*4 1Sam 2:12

*7 Qol 4:5; 1Qor 5:12-13; 2Qor 8:21

Warra Waldaa Kristiyaanaa Keessatti Gargaartota Ta'an

8 Diiyaaqonoonni [warri waldaa kristiyaanaa keessatti gargaartota ta'anis] akkasuma namoota ulfina nama irraa qaban malee, warra arraba lama dubbatan, dhugaatiittis warra gad of dhiisan, karaa dalgaatiin bu'aa argachuu warra jaallatan hin ta'in*! 9 Yaada garaa qullaa'aadhaan dhoksaa amantiitti qabamanii jiraachuun isaaniif in ta'a*. 10 Isaan duraan dursanii qoramanii ilaalamuun in ta'aaf; ilaalamanii erga waa irraa dhabamee haa hojjetan. 11 Gargaartoonni dubartoonnis warra ulfina nama irraa qaban, warra dhugaatiitti of hin ganne, waan hundumaattis amanamoo haa ta'an malee, warra maqaa namaa balleessan ta'uun irra hin jiru*. 12 Diiyaaqonoonni, abbaa manaa haadha manaa tokkoo haa ta'an! Ijoollee isaanii, warra mana isaaniis ba'eessa godhanii haa bulchan*! 13 Diiyaaqonoonni, warri ba'eessa hojjetan ofii isaaniitiif iddoo gaarii, amantii isa Kristos Yesusiin argamu kana keessattis, ija jabina guddaa in argatu*.

*8 HoE 6:3; Filp 1:1

*9 1:19; 3:16; HoE 24:16

*11 2:9; Tit 2:3-5

*12 3:2-3

*13 Mat 25:21

1Xim 3:1 "Ilaaltuu waldaa kristiyaanaa" Grii "Ephigophos".

Dhoksaa Amantii Isa Guddaa

14 Ani dafee gara kee akkan dhufu nan abdadha; garuu hammasitti gorsa kana siif caafuu koo ti. ¹⁵Tarii yoo anitures, namni warra mana Waaqayyoo keessatti amala attamii qabaachuun akka isaaf ta'u, akka beektuuf kun si gargaara; manni kunis waldaa Waaqayyoo jiraataa, isa utubaa fi demdemoo dhugaa ta'ee dha*.

*15 Efe 2:19-22

¹⁶Nama Waaqayyoo ta'uu keessa iyyuu dhoksaan guddaan akka jiru amanamaa dha; kanaafis,

“Inni foon uffatee mul'ateera, hafuurichi dhugaa galcheeraaf, ergamoota Waaqayyootti argameera,

saba biyya lafaa keessatti lallabameera,

guutummaa biyya lafaa keessatti itti amanameera,

ulfinaan ol fudhatameera” jedhamee himameera*.

*16 Mar 16:19; Yoh 1:14; HoE 1:9-10; Rom 1:3-4; 1Qor 15:5-9; Efe 1:20-22

Ka'i Barsiisota Sobduu Duraan Dursee Himamuu Isaa

4 ¹Bara booddeetti namoonni tokko hafuurota wallaalchisoodhaa fi barsiisa hafuurota hamootaa duukaa bu'anii, amantii wangeelaa irraa akka garagalan, hafuurri qulqulluun keessaa baasee in dubbata*. ²Warri sobduun, of hin argineen, yaadni garaa isaanii diimnaan gubamee milikkita Seexanaa godhate kun, jara kana wallaalchisanii garagalchaniiru*. ³Isaan kun, “Fuudhuunii fi heerumuun, nyaata akkasii fi akkasii nyaachuun dhowwaa dha” jedhu; Waaqayyoo garuu, nyaata adda addaa kana, warri aman, warri dhugaa beekuu bira ga'anis, galataan fudhatanii akka nyaataniif uume*. ⁴Wanti Waaqayyoo uume hundinuu gaarii dha, wanta galataan fudhatamu keessas hirmiin hin jiru*. ⁵Dubbiin Waaqayyoo, kadhannis isa in qulleessa.

*1 2Tas 2:9-10; 2Xim 3:1; 2Phe 3:3; 1Yoh 2:18; Yih la 18

*2 2Xim 3:5

*3 Uma 9:3; 1Qor 7:28,36,38; 10:30-31; Qol 2:16; 20:23; 2Yoh la 1

*4 Uma 1:31; HoE 10:15

Hojjetaa Kristos Yesus Isa Ba'essa

6 Obbolloonni kana akka baran yoo goote, Kristos Yesusiif hojjetaa isa ba'essa in taata; ofii keetiis dubbii amantiitti, barsiisa ba'essa isa duukaa buute sanattis guddachaa in adeemta*. ⁷Mammaaksa, wanta qullaa'aadhaan mormu isa dubartoonni dullooman mammaakan hin fudhatin; nama Waaqayyoo ta'uudhaaf of qopheessi*. ⁸Namummaa foonii cimsuuf of qoqqopheessuun wanta murasaaf nama gargaara; nama Waaqayyoo ta'uudhaaf of qoqqopheessuun garuu, wanta baay'eedhaaf nama gargaara; jireenya ammaaf, isa dhufuufis abdiin isuma keessa jira*. ⁹Dubbichi amanamaa dha, guutummaatti fudhatamunnis in ta'aaf*. ¹⁰Waaqayyoo fayyisaa nama hundumaa ti, addumaan immoo fayyisaa amantootaa ti; nuyi abdiin keenya Waaqayyoo isa jiraataa irra kaa'anneerra; kanaafis kanatti in dadhabna in dhamaanas*.

*6 2Xim 2:15; 3:15

*7 1:4; 6:20; 2Xim 2:16,23; Tit 1:14; 3:9

*8 6:6; Mat 6:33; Far 37:4

*9 1:15

*10 2:3-4

11 Kana hundumaa isaan abbooti, isaan barsiisis! ¹²Dubbii afaan keessaa ba'uun, akka jireenyaatiin, jaalalaan, amantiidhaan, of qabuudhaanis amantootaaf fakkeenya ta'! Namni tokko illees ijoollummaa keetiif si hin tuffatin*! ¹³Hamma ani dhufutti immoo, caaffata qulqullaa'aa namootaaf dubbisuutti, gorsuutti, barsiisuutti of kenni! ¹⁴Sagalee raajii dubbatameen, maanguddoonni harka isaanii mataa kee irra kaa'uudhaanis, kennaa hafuura siif kennamee si keessa jiru sana hin dagatin*. ¹⁵Namoonni hundinuu itti guddachaa adeemuu kee akka arganitti, kennaa kanaan hojjedhu! Ittis of gad dhiisi! ¹⁶Ati ofii kee, barsiisa kee eegga-dhu, itti jabaadhu! Akkas gochuu keetiin mataa kee, warra si dhaga'anis gara fayyinaatti in geessita*.

*12 1Qor 16:11; Tit 2:15; 2Xim 2:22

*14 1:18; 5:22; 2Xim 1:6; HoE 6:6; 8:17-18

*16 HoE 20:28; Rom 11:14

Akka Itti Amantoonni**Ilaalamuun Ta'u**

5 ¹Nama jaarsa akka abbaatti gorsi malee, hin ifatin! Namoota gara ijoollee akka obbollootaatti isaan qabi*! ²Dubartoota maangoddoota akka haadhotaatti, warra gara ijoollees yada qullaa'aadhaan akka obboleetotaatti gorsi!

*1 Lew 19:32

Warra Abbaan Manaa Irraa**Du'eef Gochuun Kan Ta'u**

3 Warra abbaan manaa irraa du'e, dhugumaanis gargaartuu hin qabnetti ulfina argisiis! ⁴Isheen abbaan manaa irraa du'e ijoollee yookiis akkoo yoo qabaatte immoo, ijoolleen sun duraan dursanii wanta karaa amantii isaanii maatii ofii isaaniif gochuun isaan irraa barbaadamu haa baran; akkasumas dugda warra isaanii haa deebisaniif, inni kun Waaqayyoo duratti fudhatamaa dha*. ⁵Isheen dhugumaan abbaan manaa irraa du'ee, nama gargaaru malee hafte, abdiishee Waaqayyoo irra kaa'atteetti, halkaniis guyyaas himataa fi kadhata itti in fufti*. ⁶Isheen abbaan manaa irraa du'aaan qannaniitti of gad dhiifte garuu, fayyaatti utuma jirtuu iyyuu duutuu lha*. ⁷Warra waan ittiin jedhan hin qabne ta'anii akka argamaniif, gorsa kana akka fudhataniif isaan barsiisi! Namni tokko akkasitti fira isaatiif, aalaadhumatti immoo warra mana isaaniif yoo yaaduu dhaabaate, inni amantiha ganuu isaa ti, nama hin amanin aalaas hammaachuu isaa ti*.

*4 Mar 7:10-13

*5 Luq 2:37

*6 Mul 3:1

*8 3:5; Mat 15:5-6

9 Dubartiin tarree warra abbaan manaa irraa du'aniitti caafamtu, barri ishee ragga jaatamaa gad hin ta'in; duraan nmoo dubartii abbaa manaa tokkichaa an turte haa taatu. ¹⁰Hojii gaarii hojje-huu isheetiif, ijoollee akka ta'utti gudisuu isheetiif, keessummoota simuu isheetiif, warra Waaqayyooof qulqulaa'aniif miilla dhiquu isheetiif, warra ukkatan gargaaruu isheetiif, karaa humumaas hojii gaariidhaaf of kennuu heetiif, maqaa gaarii kan qabdu ta'uun hee irra jira*.

10 Ibr 13:2; Yoh 13:14

11 Dubartoota gara ijoollee warra abbaan manaa irraa du'e garuu tarree isaaniitti hin dabaln! Hawwiin foonii yeroo itti cimu, isa takka Kristosiif of kennanii heerumuu dhiisan irraa deebi'anii heerumuu in kajeelu. ¹²Kakuu takka isaaf galan cabsuu isaaniitiifis yakki itti in murama. ¹³Kana malees, hojii malee taa'uu in baru, manaa manas in labu; hojii malee taa'uu duwwaas utuu hin ta'in, jette-jettee in baay'isu, dhimma namaa keessas in lixu, wanta dubbaachuun isaaniif hin taanes in dubbatu*. ¹⁴Kanaafis diinni hamaa nu irratti akka dubbatuuf karaa akka hin kennineeffitti, dubartoonni abbaan manaa irraa du'an warri gara ijoollee akka heeruman, ijoollees akka godhatan, manas akka qaban nan barbaada*. ¹⁵Kaan immoo kanumaan dura iyyuu Seexana duukaa bu'uudhaaf karaa irraa goraniiru. ¹⁶Dubartiin amante tokko firoota abbaan manaa irraa du'an yoo qabaatte, isheen isaan haa gargaartu! Waldaan kristiyaanaa immoo warra abbaan manaa irraa du'anii, dhuguma gargaarsa hin qabne haa gargaartu! Ba'aan warra kan biraas itti hin dabalamin*!

*13 2Tas 3:11; Fak 10:19

*14 2:15; 1Qor 7:9,39-40

*16 HoE 6:1

Warra Jaarsomaniif Gochuun Kan Ta'u

17 Maanguddoonni warri ba'essa godhanii hojii waldaa geggeessan, addumaan immoo warri lallabaa fi barsiisatti dadhabanii hojjetan, gatii dadhabbii isaanii dachaa lama ulfinaan argachuun isaaniif in ta'a*. ¹⁸Caaffanni qulqullaa'aan, “Qotiyoo siribsiisuu irra jiru afaan isaa hin hidhin!” in jedha; akkasumas, “Hojjetaan gatii dadhabbii isaa argachuun in ta'aaf” kan jedhu barsiifameera*. ¹⁹Dhuga-baatuu lama yookiis sadii yoo qabaatte malee, hadheessa maanguddoo tokko irratti dhi'aate hin fudhatin*! ²⁰Warra cubbuu hojjetan immoo, warri hafan akka sodaatanitti, hundumaa duratti ifadhu*!

*17 Filp 2:29; 1Tas 5:12-13

*18 Kes 25:4; 1Qor 9:9; Mat 10:10;

Luq 10:7

*19 Kes 17:6; 19:15; Mat 18:16; 2Qor 13:1

*20 Mat 18:17; Gal 2:14

21 Seerrata kana wal caalchisuu malee, nama tokkos utuu hin loogin

akka eegduuf Waaqayyo duratti, Kristos Yesus, ergamoota Waaqayyoo warra fo'aman durattis kaxsiisee sitti darsuu koo ti*. ²²Harka mataa namaa irra kaa'uutti hin ariifatin, cubbuu nama biraattis hin galin! Ati ofii kee qullaa'ummaatti eeggadhu*.

*21 6:13-14

*22 3:10; 2Qor 6:14

²³ Si'achi sababii garaa keetiif sababii ammaa amma dadhabbiin sitti dhaga'amuufis daadhii waynii xinnoo itti dabalii dhugi malee, bishaan duw-waa hin dhugin!

²⁴ Cubbuun nama tokko tokkoo, dura bakkeetti mul'atee gara firdiitti isa geessa; cubbuun warra kaanii garuu booddeedhaan in mul'ata. ²⁵ Hojiin gaariinis akkasuma bakkeetti in mul'ata, yoo mul'ataa ta'uu dhaabaates dhokatee hafuu hin danda'u*.

*25 Gal 5:22-23

Warra Garbummaa Jala Jiran Gorsuu Isaa

⁶ Warri waanjoo garbummaa jala jiran Waaqayyo, barsiifni keenyas maqaa gadhee akka hin godhannetti, warra isaan bulchan akka warra ulfina hundumaa argachuun ta'uuffitti haa ilaalan*! ² Ofii isaaniitii garbummaa jala jiraatanii warri isaan bulchan amantoota yoo ta'an, lachuu amantiidhaan waliif obboloota; sababii obboloota waliif ta'aniif immoo warra isaan bulchu kana hin tuffatin. Warri isaan bulchan immoo amantoota, kan jaallatamanis ta'anii hojii gaariidhaaf waan of kennaniif ittuma caalchisanii haa hojjetan! Kana barsiisi, gorsis*.

*1 Efe 6:5-6; Tit 2:9-10

*2 Film la 16

Waa'ee Barsiisa Sobaa, Waa'ee Badhaadhummaa Dhugaas Yaadachiisuu Isaa

³ Namni, barsiisa biraa barsiisu, dubbii gooftaa keenyaa Yesus Kristos isa sirriidhaa fi barsiisa ittiin nama Waaqayyoo ta'anii wajjinis kan walii hin galle yoo jiraate*, ⁴ namni akkasii of bokoksudhaan of arguu dhabe, homaas hin beeku; yaadni isaa waan irratti dhukkubsateef waliin morkachuu fi wal diduu dhiisuu hin danda'u; waliin morkachuu fi wal diduu

keessaa immoo weennoon, qoccolloon, maqaa balleessuun, hamaatti nama mamuun in ba'a*. ⁵ Namoonni warri qalbiin isaanii bade wal aarsuunis kana keessaa in dhufa; isaan immoo dhugaan waan irraa fudhata-meef, nama Waaqayyoo ta'uun waan ittiin bu'aa argatan in se'u*.

*3 Gal 1:6-9; 2Xim 1:13

*4 1:4,7; 2Xim 2:14; Tit 3:10-11

*5 2Xim 3:5,7-8

⁶ Nama Waaqayyoo ta'uun, nama wanta qabuun of danda'ee jiraatu biratti bu'aa guddaa qaba*. ⁷ Nuyi waanuma tokko illee fidnee gara biyya lafaa hin dhufne, isa keessaas waanuma tokko illee fuunee ba'uu hin dandeenyu*. ⁸ Waan ittiin jiraannu, waan keessa jiraannu qabaannaan nu ga'a*. ⁹ Warri sooromuu barbaadan immoo qoramatti, kiyyootti, kajeellaatti, gowummaa isaan miidhu baay'ee keessattis in kufu; kajeellaawwan kunis balleeffamuu fi baduu keessa isaan in buusu*. ¹⁰ Horii jaallachuun hundee wanti hamaan hundinuu irraa latuu dha; namoonni gar tokko yaada isaanii horii argachuu irra kaa'atanii, amantiicha irraa badaniiru, waraansa baay'ee-dhaanis of waraananiiiru*.

*6 4:8; Filp 4:11-12; Ibr 13:5

*7 Iyo 1:21; Lal 5:15

*8 Fak 30:8

*9 Mat 13:22; Fak 28:20,22; Luq 12:20

*10 Mat 6:19; Luq 12:15; Efe 5:5

Addumaan Isa Gorsuu Isaa

¹¹ Ati garuu yaa nama Waaqayyoo, kana hundumaa irraa fagaadhu! Qajee-linaaf, akka nama Waaqayyooti jiraachuudhaaf, amantiidhaaf, jaalalaaf, ob-saaf, gara-laafummaadhaaf dhama'i*! ¹² Wal'aansoo amantii isa gaarii sana jabeessii qabi! Jireenya bara baraas harka kee keessa galfadhu! Isaaf waamante, dhuga-baattu baay'ee duratti amantii kee ba'essa gootee beeksifteeta*. ¹³ Fuula Waaqayyoo isa wanti hundinuu akka jiraatu godhu, fuula Kristos Yesus isa Phonxos Philaaxos duratti amantiidhaaf ba'essa godhee dhugaa ba'e durattis kana sitti nan kenna*. ¹⁴ Hamaa gaafa gooftaan keenya Yesus Kristos deebi'ee mul'inatti dhufutti, ajaja kana balleessaa malee waan jechaa utuu si irratti hin argamin

eegi*! ¹⁵ Waaqayyo inni eebbifamaan, kophaa isaa waan hundumaa gararraa jiru, warra mootota ta'an irratti inni mootii ta'e, warra gooftota ta'aniratti inni gooftaa ta'e, yeroo isaaf ta'utti Kristos mul'inatti dhufuu isaa in argisiisa*. ¹⁶ Waaqayyo duwwaatu hin du'u, inni ifa homtinuu itti dhi'aachuu hin dandeenye keessa in jiraata; namni takkaa isa hin argine, isa arguus hin danda'u. Isaaf ulfinnii fi aangoon bara baraa haa ta'u! Ameen*.

*11 2Xim 2:22

*12 1:18; 2Xim 4:7-8; Filp 3:12-14; 1Qor 9:25-26; Ibr 12:1

*13 Mat 27:11; Yoh 18:36-37

*14 1Tas 3:13

*15 Mul 17:14; 19:16; Kes 10:17

*16 Yoh 5:26; Bau 33:20

¹⁷ Warri amma biyya lafaa kanatti soressota ta'an waan guddaa akka of hin scene, abdii isaaniis sooruma isa hin amansiifne irra akka hin kaa'anne isaan hubachiisi! Abdii isaanii Waaqayyoo isa waan hundumaa akka ittiin dhimma baanuuf baay'isee nuuf kennu irra haa kaa'atan*! ¹⁸ Wanta gaarii ta'e

haa hojjetan, soorumni isaanii hojii gaarii isa isaan hojjetan haa ta'u! Haa arjooman, isa qaban warra kaaniinis haa ga'an*! ¹⁹ Kanaan badhaadhummaa walitti qabatanii jireenya dhugaa harka isaanii keessa galfachuudhaaf bara dhufuuf ijaarsa jireenya sanaaf hundee gaarii in kaa'atu*.

*17 Iyo 31:24; Far 62:10; Mat 6:19-21; Mar 10:23-25; Luq 12:15-21; Yaq 1:10

*18 Ibr 13:16

*19 Mat 6:20; Luq 16:9

²⁰ Yaa Ximotewos, wanta hadaraa sitti kenname jabeessii eegi! Dubbii midhaan hin qabne isa wanta qulqul-laa'aadhaan mormu irraa, wanta sobaa isa "Beekumsa" jedhame dhugaadhaan mormu irraas fagaadhu*! ²¹ Namoonni gar tokko "Beekumsa" isa jedhamee kana "Arganneerra" jedhanii in himu, isaan garuu isa karaa amantii akeekka-tan dhabaniiru.

Ayyaanni Waaqayyoo isinii wajjin haa ta'u*.

*20 4:7; 2Xim 1:14; 2:14,16

*21 1:6,19; 2Xim 2:18

Ergaa Phaawulos Gara Ximotewositti Erge Isa Lammaffaa

Nagaa

¹ Ani Phaawulos jaalala Waaqayyootiin ergamaa Kristos Yesus a'ee, akka abdii jireenya isa karaa Kristos Yesus argamuutti kana caafuu oo ti*.

² Haa ga'u gara Ximotewos ilma oo isa jaallatamaa!

Vaaqayyo abbaan, Kristos Yesus goofaan keenyas ayyaana, araara, nagaas iif haa kennu*!

1 IXim 1:1; 1Yoh 2:25

2 HoE 16:1; 1Xim 1:2

Waaqayyoon Galateeffatee Jajjabeessuu Isaa

³ Waaqayyoon, isa ani akkuma abboota kootii yaada garaa qulqullaa'aadhaan hojjedhuuf, nan galateeffadha; kadhata koo halkanii fi guyyaa keessatti yeroo hundumaa sin yaadadha*. ⁴ Imimmaan kee yeroon yaadadhu immoo, si argee garaa guutuudhaan akkan gammaduuf sin yaada*. ⁵ Amantiin kee garaa qulqulluudhaan ta'uun isaa anatti yaadatama; amantiin inni dur akkoo kee Lo'is, haadha kee Ewuniiquee keessas ture sun, si keessas akka jiru nan

amana*. ⁶ Kanaafis kenna Waaqayyoo isa yeroo ani harka koo mataa kee irra kaa'e siif kenname, haareessitee akka ibiddaatti akka qabsiiftu sin yaadachiisa*. ⁷ Waaqayyoo hafuura humnaa, kan jaalalaa fi kan of qabuu malee, hafuura ija-laafinaa nuuf hin laanne*.

*3 HoE 23:1; 24:16; Filp 1:3-4; 3:5

*4 4:9,21

*5 HoE 16:1-3

*6 1Xim 4:14

*7 Rom 8:15

8 Egaa akka Waaqayyoo humna siif kennetti, wangeelaaf rakkachuu keessaa qooda qabaadhu malee, gooftaa keenyaaf dhugaa ba'uu, waa'ee koo isa ani sababii Kristosiif jedhee hidhames hin yeella'in*! ⁹ Waaqayyoo nu fayyisee isaaf akka qulqulloofnuuf nu waame; nu waamuun isaas akka akeeka isaatii fi akka ayyaana isaa isa durii jalqabee karaa Kristos Yesus nuuf kenneetti malee, akka hojii keenyaatti miti*. ¹⁰ Amma garuu ayyaanni isaa dhufa fayyisaa keenyaa Kristos Yesusiin nutti mul'ifameera; inni humna du'aa cabsee, jireenya, badiisa ooluus karaa wangeelaa ifatti baase*.

*8 2:3; Rom 1:16

*9 Tit 3:5; Efe 1:4,11

*10 Rom 16:25-26; 1Qor 15:55-57; Tit 2:11; Ibr 2:14

11 Ani wangeela kanaaf lallabaa, ergamaa fi barsiisaa ta'een jira*. ¹² Kanaafan amma itti dhiphachaa jira; ani garuu eenyutti akkan amane waanan beekuuf hin yeella'u; akkasumas inni wanta hadaraa anatti kenname kana, hamma guyyaa sanaatti eeguu akka danda'u nan amanadha*. ¹³ Dubbii sirrii isa ana irraa dhageesse sana geggeessaa godhadhuu duukaa bu'i! Amantii fi jaalala karaa Kristos Yesus argamutti qabamii geggeeffami*! ¹⁴ Wanta gaarii hadaraa sitti kenname sana hafuura qulqulluu isa nu keessa jiraatuun eegi*!

*11 1Xim 2:7

*12 2:19

*13 1Xim 6:3; Tit 2:1

*14 1Xim 6:20

15 Akkuma ati beektu, warri kutaa biyya Asiyaa keessaa hundinuu ana irraa gara galaniiru; Fiigelosii fi Hermogenesis isaan keessa jiru*. ¹⁶ Oone-

siforos garuu deddeebi'ee yaada koo haareesseera; gooftaan warra mana isaatii araara haa kennu! Inni waanan hidhameef anatti deddeebi'uu hin yeellaane*; ¹⁷ akkuma mandara Roomaa ga'een dhimmee ana barbaadee, na argates*. ¹⁸ Guyyaa sanatti goofticha biraa araara argachuun isaa jaalala gooftaa haa ta'u! Efesoonittis hammam akka inni anaaf ergame ati iyyuu ba'eessa gootee in beekta*.

*15 4:10,16

*16 4:19

*17 HoE 28:30

*18 Mat 5:7

Hojiitti Akka Jabaatu Gorsuu Isaa

2 ¹ Ati immoo ilma ko! Ayyaana isa Kristos Yesus nuuf kennutti jabaadhu*! ² Dhuga-baatota baay'ee duratti waan ana irraa dhageesse, namoota amanamoo warra kana barsiisuufis ta'anitti hadaraa kenni*!

*1 Efe 6:10

*2 1:13

3 Akka loltuu Kristos Yesusitti dhiphina sana keessaa qooda qabaadhu*! ⁴ Namni loltuu ta'ee lolaa jiru, isa loltuu godhee isa qacarate sana gammachiisuudhaaf, bukkeedhaan waa argachuudhaaf hojii warra kaaniitti lixuu in dhiisa*. ⁵ Namni dorgomeetti jiru akka seera isaatiitti yoo dorgome malee, gonfoo mo'ichaa hin argatu*. ⁶ Qottuun hojii isaatti dadhabu duraan dursee ija midhaan isaatii irraa nyaachuun in ta'aaf*. ⁷ Wanta ani dubbadhu kanas itti yaadi, gooftaan waan hundumaaf hubannaa siif in kenna*.

*3 1:8; 4:5; 1Xim 6:12

*4 1Qor 9:24-27

*5 4:8

*6 1Qor 9:7,10

*7 Fak 2:6

8 Yesus Kristosin isa warra du'an keessaa kaafame, isa sanyii Daawit keessaa dhalate, akka ani wangeela koo keessatti lallabetti yaadadhu*! ⁹ Sababii wangeela isa ani lallabe kanaaf, akkuma nama hamaa godheetti hidhamee dhiphachaan jira; dubbiin Waaqayyoo garuu hin hidhamu*. ¹⁰ Kanaafis, warri fo'aman fayyina isa karaa Kristos Yesus dhufu ulfina bara baraa wajjin akka argatanitti, isaaniif

jedhee waan hundumaa obsaan nan baadha*.

*8 Rom 1:3; 1Qor 15:4,20

*9 1:8,12; HoE 28:30-31; Filp 1:12-14; 2:17

*10 Qol 1:24

¹¹ Dubbichi amanamaa dha; innis,

"Kristosii wajjin duuneerra yoo ta'e,

isaa wajjin immoo in jiraanna*;

¹² obsaan yoo dandeenye,

isaa wajjin immoo in moona;

yoo nuyi isa ganne,

innis immoo nu ganuuf jira*;

¹³ yoo nuyi amanamoo ta'uu

dhaabaanne,

inni ofii isaa ganuu waan hin

dandeenyeef,

inni akkuma amanamaa ta'etti

in hafa"

in jedha*.

*11 Rom 6:5,8; 2Qor 4:11

*12 8:17; Mat 10:33; Luq 12:9

*13 Lak 23:19; Rom 3:2-3; Tit 1:2

Hojjetaa Hojiin Isaa Fudhatamuuf Akka Inni Ta'uuf Gorsuu Isaa

14 Wal diduun namootaa warra dha-ga'an diiga malee, waan tokkoof waa'ee akka hin baafne isaan yaadachiisi! Waaqayyoo durattis isaanitti dhugaa ba'i*! ¹⁵ Ati akka hojjetaa qoramee fudhatamee, waan itti yeella'u hin qabneetti, akka nama dubbicha isa dhugaadhaan qajeeltootti hojjetuutti, Waaqayyoo dura of dhaabachiisuudhaaf dhama'i*! ¹⁶ Dubbii midhaan hin qabne isa wanta qulqullaa'aadhaan mormu irraa fagaadhu! Inni ittuma caalchisee nama Waaqayyoo ta'uu irraa nama fageessa*. ¹⁷ Dubbiin akkasii akka madaa foon yaatee bal'achaa adeemuu ti; Himnesosii fi Filexoos warra dubbii akkasii lubbatan keessa jiru*. ¹⁸ Isaan kun 'Du'aa ka'uun kanaan dura ta'eera" echuudhaan dhugaa irraa kaataniiru; mantii warra kaaniis garagalchaniiru*. ¹⁹ Haa ta'u iyyuu malee, hundeen Waaqayyoo kaa'e jabaatee in dhaabata. Malattoo, "Gooftichi warra kan isaatii in eeka" kana malees, "Namni goofticha naqaa dha'atu jal'ina irraa haa deeti'u!" jedhus in qabaata*.

*14 1Xim 6:4-5; Tit 3:9

*15 1Xim 4:6; Tit 2:7-8

*16 1Xim 4:7; 6:20

*17 3:13; 1Xim 1:20

*18 1Qor 15:23

*19 Lak 16:5; Mat 7:22-23; Yoh 10:14,27

20 Mana guddaa tokko keessa qodaa warqee irraa yookiis meetii irraa tolfame duwwaa utuu hin ta'in, qodaan muka irraa yookiis suphee irraa tolfames jira; kaan qodaa hojii ulfinaa itti hojjetanii dha, kaan immoo qodaa hojii salphinaa itti hojjetanii dha*. ²¹ Ammas namni warra wanta salphinaa hojjetan irraa yoo of qulleesse, qodaa ulfinaa in ta'a; akkasittis qodaa addaan ba'ee, gooftaa isaatiif waa'ee baasu, hojii gaarii hundumaafis qophaa'aa in ta'a*.

*20 Rom 9:21

*21 3:17; 2Qor 6:17-18

22 Ati immoo kajeellaa yeroo dar-gaggummaatti hammaatu irraa baqadhu, warra garaa qullaa'aadhaan maqaa gooftaa waammatanii wajjin qajeelina, amantii, jaalala, nagaa duukaas bu'i*! ²³ Qoccolloo akka kaasan waan beektuuf, morkii gowwummaa isa toora hin qabnettis hin lixin*! ²⁴ Hojjetaan gooftichaa nama hundumaatti gaarummaa argisiisuun, namoota barsiisuu danda'uun, waan hamaa obsaan namaaf danda'uun isaaf in ta'a malee, nama qoccoluun isaaf hin ta'u*. ²⁵ Inni warra ittiin morman hafuura gara-laafinaatiin gorsee gara gaariitti deebisuun in ta'aaf; isaan dhugaa beekuu bira ga'uudhaaf yaada garaa isaanii akka geddarataniif Waaqayyoo karaa in kennaaf ta'a*. ²⁶ Yoos isaan qalbii godhatanii, Seexana isa jaalala isaa akka godhaniif kiyyoo isaatti isaan galche harkaa in ba'u*.

*22 1Xim 6:11; Mat 5:8

*23 2:14,16; 1Xim 4:7

*24 Tit 1:7,9; 3:1-2; Mat 5:39-41

*25 1Tas 5:14; 1Xim 2:4

*26 Luq 22:31-32

Waan Guyyoota Gara Dhumaatti Ta'uuf Jiru

3 ¹ Guyyoota gara dhumaatti yeroon sodaachisaan akka dhufu hubadhu*! ² Namoonni warra ofittooo, sassa-toota, of-jajoo, afuufamoo, arrabsituuwwan, warra abboota isaanii fi haadhota isaaniif hin abboomamne, galata hin qabnee, warra wanta qulqullaa'aadhaan morman in ta'u*. ³ Warra jaalala of keessaa hin qabne, warra araara hin jaallanne, warra maqaa namaa balles-san, warra of hin qabne, warra namatti

hin madaqne, warra waan gaarii jibban, ⁴warra dabarsanii nama kennan, warra eeggannaa hin qabne, warra of arguu dhabuudhaan of bokoksan, Waaqayyoon jaallachuu caalaa, warra waan isaan gammachiisu jaallatan ta'uuf jiru*. ⁵Akka bakkeedhaan mul'atutti nama Waaqayyoo in fakkaatu, humna isa nama akkasii keessa jiru garuu in ganu; warra akkasii irraa fagaadhu*!

*1 IXim 4:1-2

*2 Rom 1:29-32

*4 Filp 3:19

*5 Tit 1:16; Mat 7:15

⁶Isaan keessaa kaan mana namaa lixanii dubartoota dadhaboo warra cubbuun irra tuulamee, kajeellaa garaa garaatiin asii fi achi oofaman in wallaalchisu*. ⁷Dubartoonni kun yeroo hundumaa in baru; garuu dhugaa beekuu bira ga'uu matumaa hin danda'an. ⁸Akkuma Yaaneesii fi Yaambres, Museedhaan morman, jarreen sammuu isaani bade, karaa amanti isaanii qoramanii hin ilaalam in kunis akkasuma dhugaadhaan in mormu*. ⁹Garruu akkuma gowwummaan jarreen sana lamaanii irratti beekame, kan isaan kanaas nama hundumaa biratti beekamuuf waan jiruuf, fagoo hin ga'an*.

*6 2Phe 2:14

*8 Bau 7:11,22; HoE 13:8-10; IXim 6:5

*9 Bau 7:12; 8:18

Gorsa Yeroo Rakkinnaa Kanaaf Ta'u

¹⁰Ammas ati barsiisa koo, amala koo, akeeka jireenya koo, amanti koo, obsaan danda'uu koo, jaalala koo, waanan qabetti cimuu koo caqafteetta. ¹¹Ari'atamuu koo, dhiphachuu koos warra Anxokiyaatti, Iqoniiyumitti, Lisxiraatti ana irra ga'an yaadaan qabdeetta; ari'atamuu attamiin danda'es! Kana hundumaa keessaa immoo gooftaan na oolche*. ¹²Akkasuma karaa Kristos Yesus nama Waaqayyoo ta'ee jiraachuu kan hawwu hundinuu ari'atamuuf jira*. ¹³Namoonni hamoonni, warri ija namaa gowwoomsanis isa gadhee irraa gara isa caalaa gadheetti gad in adeemu; namoota in wallaalchisu ofii isaaniitiis in wallaalchifamu*.

*11 HoE 13:14-52; 14:1-7,8-20; Far 34:19

*12 Mat 5:11; 10:17-25; 16:24; HoE 14:22

*13 IXim 4:1

¹⁴Ati garuu isa barsiifamte, cimsi-tees itti amante sana cenyufa'i irraa akka barte waan beektuuf, isatti qabamii jiraadhu*! ¹⁵Mucummaa keetii jalqabdee caaffata qulqullaa'aa isa Kristos Yesusitti amanuudhaan akka fayyitutti ogummaa siif kennuu danda'u, akka barte in beekta*. ¹⁶Caaffanni qulqullaa'aa hundinuu geggeessaa hafuura Waaqayyootiin caafame; barsiisuuf, balleessaa hubachiisuuf, qajeelchuuf, qajeelummaattis leejjisuudhaaf dhimma in baasa*. ¹⁷Namni Waaqayyoo waa gochuuf kan danda'e, hojii gaarii hundumaafis kan qophaa'e akka ta'u in godha*.

*14 1:12-13; 2:2

*15 1:5; Yoh 5:39

*16 2Phe 1:19-21

*17 2:21; IXim 6:11

Lallaba Wangeelaa Akka Cimsuuf Gorsuu Isaa

4 ¹Waaqayyoo duratti, Kristos-Yesus isa warra jiranii fi warra du'anitti faraduuf jiru durattis, maqaa isa deebi'ee mul'atee, mootummaa isaas argisiisu sanaan cimsee sin gorsa*. ²Dubbicha lallabi, "Kun yeroo dha, kun yeroo miti" utuu hin jedhin qophaa'ii argami! Nama balleessaa isaa hubachiisi, ifadhu! Obsa hundumaan gorsi barsiisis*. ³Barri itti namoonni barsiisa sirrii fudhachuu jibban dhufuuf jira; bara sanas akka hawwa isaaniitti, barsiisota wanta gurra isaanitti tolu isaan barsiisan walitti in sassaabbatu*. ⁴Isaan dubbii dhugaa dhaga'uu irraa garagalanii, gara mammaaksa amantiitti in goru*. ⁵Ati garuu waan hundumaatti gara itti gortu beeki! Dhiphina obsaan baadhu! Hojii lallabaan wangeelaa hojjechuun ta'uuf hojjedhu, hojii itti ergamte guutummaatti raawwadhu*!

*1 IXim 6:13; HoE 10:42; Rom 14:9-10; IPhe 4:5

*2 HoE 20:20-31; IXim 4:13

*3 IXim 4:1

*4 Tit 1:14; IXim 4:7

*5 2:3

⁶Yeroon dhiigni koo akka dhibaayyuutti dhibaafatamu dhi'aateera! Yeroon itti ani jireenya kanattii hiikamus ga'cera*. ⁷Wal'aansoo isa gaarii sanas dhaabadhee qabeera; dorgomee koos raawwadheera, amantiis eegeera*.

Kanaa achis gonfoon qajeelummaa anaaf kaa'amee jira; gooftichi abbaan firdii inni qajeelaan guyyaa sanatti gonficha anaaf in kenna; ana duwwaaf utuu hin ta'in, warra deebi'ee mul'i-natti dhufuu isaa jaallatan hundumaafis in kenna.

*6 Filp 2:17

*7 IXim 6:12; HoE 20:24

*8 2:5; IQor 9:25; Yaq 1:12; IPhe 5:4; Mul 2:10

Ofii Isaatii Attamitti Akka Jiru Himuu Isaa

⁹Ariitiidhaan gara koo dhufuuf dhama'i! ¹⁰Deemaas biyya lafaa kana jaallatee, ana buusee mandara Tasaloniique dhaga; Kresqes biyya Galaatiyaa, Tiitoosis immoo biyya Dalmaatiyaa dhaga*. ¹¹Luqaas duwwaatu na bira jira; yeroo dhufu, Maarqosin of duukaa fidii kottu! Inni anaaf ergamuudhaan waa'ee anaaf in baasa*. ¹²Xikiqoosin immoo mandara Efesoonitti ergeera*. ¹³Yommuu dhufu waaroo ani Kaarphos biratti Xro'aa-sitti dhiise, macaafotas addumaan immoo maraa caaffatoota gogaa duugamaa anaaf fidi. ¹⁴Iskindir inni sibiila tumu baay'isee hamaa ana irratti hojjete; gooftichi akka hojii isaatiitti isaaf in deebisa*. ¹⁵Inni jabeessee dubbii keenyaan waan mormeeff, atis isattii of eeggadhu!

*10 4:21; 1:4; Qol 4:14; Film la 24;

2Qor 8:23; Gal 2:3; Tit 1:4

*11 HoE 12:12,25; 13:13; 15:37-39;

Qol 4:10,14; Film la 24

*12 HoE 20:4; Efe 6:21-22; Qol 4:7-8

*14 IXim 1:20; Rom 2:6; 2Qor 11:15;

Far 62:12

¹⁶Gaafa ani dura yaa'ii duratti dhi'aadhee falmadhe, hundumtuu na buusan malee, namni na bukkee dhaabate tokko illee hin argamne; gooftaan kana isaanitti hin lakkaa'in*. ¹⁷Garruu wangeelli karaa koo guutummaatti akka lallabamuuf, warri saba Waaqayyoo hin ta'inis akka isa dhaga'aniif gooftichi na bukkee dhaabatee na jabeesse; afaan leencaas na oolche*. ¹⁸Gooftaan hamaa ana irratti hojjetamu hundumaa irraa na oolcha; na fayyisee mootummaa isaa isa waaqa irraatti na geessa; isaaf baruma baraan galanni haa ta'u! Ameen*.

*16 1:15; Mar 14:50

*17 HoE 9:15; 23:11; 27:23

*18 3:11

Gara Dhumaatti Nagaa Dhaamuu Isaa

¹⁹Phrisqiilaa fi Aqiilaatti, warra mana Oneesiforosittis nagaa koo anaaf himi*! ²⁰Erasxos Qorontositti hafe; Xrofiimoos immoo dhukkubsannaan ani mandara Miilexositti isa dhiise*. ²¹Utuu ganni hin lixin dhufuudhaaf dhama'i! Yubulos, Phudenis, Liinos, Klaawudiiyaan, obboloonni hundinuu nagaa siif ergu.

²²Gooftaan hafuura kee wajjin haa ta'u!

Ayyaanni Waaqayyoo hunduma keessanii wajjin haa jiraatu*!

*19 1:16-17; HoE 18:2; Rom 16:3

*20 HoE 19:22; 20:4,15; 21:29; Rom 16:23

*22 Gal 6:18

Ergaa Phaawulos Gara Tiitoositti Erge

Nagaa

1 ¹ Ani Phaawulos amantii fi dhugaa beekuun warra Waaqayyoofo fo'amanii, akka namoota Waaqayyoofo ta'utti dammaqsuudhaaf, hojjetaa Waaqayyoo fi ergamaa Yesus Kristos ta'ee kana caafuu koo ti*; ² abdi jireenya bara baraa, isa Waaqayyoo inni matumaa hin sobne, bara durii jalqabee abdachiise yaadachiisuu koo ti*. ³ Yeroo isaaf ta'ettis Waaqayyoo fayyisaan keenya karaa lallaba isa abboommii isaatiin hadaraa anatti kenname sanaa, dubbii abdi sana mul'iseera*.

*1 Rom 1:1

*2 Rom 16:25; 2Xim 2:13

*3 1Xim 1:11; 2:6-7; Efe 1:9-10

4 Gara Tiitoos isa karaa amantii walii wajjin qabnu, ilma koo dhugaa ta'e! Waaqayyoo abbaan, Kristos Yesus fayyisaan keenyas ayyaanaa fi nagaa siif haa kennu*.

*4 2Qor 8:23; Gal 2:3; 1Xim 1:2; 2Xim 4:10

Tiitoos Qarexisitti Hojjechuu Isaa

5 Sababiin ani Qarexis biyya bishaan keessaatti si hambiseefis wanta toora hin qabatin hafe akka toora qabsiiftuuf, mandaruma mandarattis akkuma ani si argisiisetti jaarsolii hojii waldaa geggeessuu irra akka dhaabduuf ture*. ⁶ Namni hojii akkasii irra dhaabatu immoo waan ittiin jedhan kan hin qabne, nama haadha manaa tokkittii, ijoolleen isaa kan amanan malee, gad-dhiisatti jiraachuu isaaniitiin yookiis abboommamuu diduu isaaniitiin kan hin hadheeffamin haa ta'u*!

*5 HoE 14:23; 2Xim 2:2

*6 1Xim 3:2-7

7 Ilaaltuun¹ hojii waldaa tokko, hojii Waaqayyoo in adeemsisa erga ta'ee, waan ittiin jedhan kan hin qabne ta'uun isa irra jira; ofii isaa malee warra kaan kan hin gammachiifne yookiis nama dafee aaru yookiis machaa'aa yookiis nama lola jaallatu, nama bu'aa karaa dalgaa argachuuf sassatu ta'uun isa irra hin jiru*. ⁸ Nama keessummaa simachuu jaallatu, nama waan gaarii jaallatu, nama

of qabu, nama qajeelaa, qullaa'aa, nama adaba qabus haa ta'u; ⁹ barsiisa sirrii sanaan gorsuu, warra isaan mormanitti immoo balleessaa isaanii itti mul'isuu akka danda'utti, akka barsiisicha ofii fudhatetti dubbicha isa amanamaa sanatti jabaatee qabamuun isa irra jira*.

*7 1Qor 4:1-2; 2Xim 2:24; 1Phe 5:2

*9 2Xim 4:2-3

10 Namoonni hin abboommamne, warri dubbii midhaan hin qabne dubbatan, warri nama wallaalchisan baay'een jiru; addumaan immoo isaan kun warra garee seera dhagna-qabaa eegan keessaa ti*.

¹¹ Isaan bu'aa nama yeellaasisu argachuudhaaf waan barsiisuun isaaniif hin taane barsiisuudhaan, mana guutuu waan gargar diiganiif, afaan isaan qabachiisuun in ta'a*.

¹² Isaanuma keessaa tokko, raajiin ofii isaanii, "Warri Qarexis yeroo hundumaa sobduu dha, bineensota hamoo dha, albaadhota, dhibaa'oo dhas" jedhee ture. ¹³ Kanas dhugaa dubbate; kanaafis amantii isaaniitiin seelkoo akka hin qabaannetti, cimsii balleessaa isaanii itti mul'isi*! ¹⁴ Si'achis mammaaksa amantii isa kan Yihudootaa, abboommii namoota warra dhugaa irraa gara galanii duukaas akka hin buune godhi*! ¹⁵ Warra qullaa'aniif wanti hundinuu qullaa'aa dha, warra xuraa'oodhaaf warra hin amanneef garuu, wanti tokko illee qullaa'aa miti; sammuun isaanii fi yaadni garaa isaanii iyyuu xuraa'aa dha*. ¹⁶ Isaan Waaqayyoon in beekna jedhu, hojii isaaniitiin garuu isa in ganu; isaan ofii isaaniitiin jibbamoo, warra hin abboommamne, warra qoramanii hojii gaarii tokkoof illee gatii dhabanii dha*.

*10 HoE 15:1

*11 2Xim 3:6; 1Phe 5:2

*13 2Xim 4:2

*14 3:9; 1Xim 1:4; 4:7; 2Xim 4:4;

Qol 2:21-22

*15 Mat 15:11; Rom 14:14,20

*16 2Xim 3:5,17

Waa'ee Barsiisa Sirrii Dubbachuu Isaa

2 ¹ Ati garuu wanta barsiisa sirrii sanaa wajjin wal fudhatu dudubba-dhu*! ² Maanguddoonni warri dhiirri warra dhugaatiitti of hin ganne, warra ulfina nama irraa qaban, warra of qaban, amantiidhaa fi jaalalatti obsattis warra seelkoo hin qabne haa ta'an*! ³ Akkasuma immoo dubartoonni dullooman amala warra akka qulqullootaatti fudhatamanii haa argisiisan! Wanta gaarii ta'e haa barsiisan malee, maqaa namaa balleessuun, dhugaatiidhaaf garboota ta'uun isaan irra hin jiru*. ⁴ Akkasitti abbaa manaa, ijoollees akka jaallataniif, dubartoota warra gara ijoollee in gorsu. ⁵ Dubbiin Waaqayyoo maqaa gadhee akka hin godhannetti, warra of qaban, warra gaa'ela isaaniitti amanaman, warra mana isaaniitiif ba'essa godhanii eegga-tan, warra abbaa manaa isaaniif abboomaman akka ta'an haa gorsan*!

*1 1:9; 1Xim 6:3; 2Xim 1:13

*2 1Xim 5:1

*3 1Xim 3:11

*5 Efe 5:22-23

6 Akkasuma immoo dhiironni warri gara ijoollee akka of qaban gorsi! ⁷ Waan hundumaa keessatti hojii gaarii hojjechuudhaaf fakkeenya ta'! Barsiisa kee ceessatti dubbii akka waliin hin makne, alphaatti akka hin fudhannes argisiisi*! ⁸ Warri garasii nutti garagalan, waan gadhee ittiin nu irratti dubbatan akka hin arganne, dubbii sirrii sanaanis waan ittiin jedhan akka hin qabaanne godhi*!

*7 1Xim 4:12; 1Phe 5:3

*8 1Phe 2:12,15; 3:16

9 Warri garbummaa jala jiraatan waan hundumaatti ajaja warra isaan ulchanii haa fudhatan! Itti haa tolan, ubbii isaaniitiinis hin mormin*! ¹⁰ Barsiisichi waa'ee Waaqayyoo fayyisaa keeyaa dubbatu kun, waan hundumaatti kka namatti tolee mul'atu gochuudhaaf, isaan guutummaatti amanamummaa gaarii haa argisiisan malee, warra aa miliqsan hin ta'in!

*9 Efe 6:5-6; 1Xim 6:1-2; 1Phe 2:18

11 Waaqayyoo ayyaana isaa isa nama hundumaaf fayyina kennu mul'iseera*. Ayyaanni Waaqayyoo kunis, nuyi Waaqayyoo malee jiraachuu, kajeellaa yya lafaa isa hamaas gannee, bara na keessa of qabuutti, qajeelinatti,

namoota Waaqayyoo taanee akka jiraanuuf gorse, gara gaariitti nu deebisa*. ¹³ Achumaanis abdi keenya isa eebbifamaa fi ulfina isa deebi'ee mul'atu sanaa in eegganna. Inni mul'achuuf jiru sunis Yesus Kristos; inni Waaqayyoo keenya isa guddicha, fayyisaa keenyas*. ¹⁴ Inni seera irra daddarbuu hundumaa jalaa nu furuudhaaf, saba fo'amaa warra hojii gaariitiif hinaafan ofii isaatiif qulleesuudhaaf, ofii isaa nuuf kenne*.

*11 3:4; 2Xim 1:10; Yoh 1:14

*12 1Phe 2:11; 1Yoh 2:15-16; Efe 1:4

*13 Rom 5:2; 1Qor 1:7; Filp 3:20; 1Phe 1:3,7

*14 Gal 1:4; 1Xim 2:6; Efe 2:10; 5:27; 1Phe 2:9; Bau 19:5; Kes 4:20; 7:6; 14:2; Far 130:8

15 Yeroo gorsa kennitu, yeroo balleessaa namatti mul'iftus yaada muramaadhaan kana dubbadhu; namni tokko illee si hin tuffatin*!

*15 1Xim 4:11-12

Amantoonni Amala Attamii Akka Qabaatan Gorsuu Isaa

3 ¹ Harka warra biyya bulchanii fi warra aboo qabanii jala of galchuu, abboommamuu fi hojii gaarii hojjechuufis qophaa'oo ta'u isaan yaadachiisi*! ² Isaan maqaa nama tokkoo illee utuu hin balleessin, naga-qaboota, garraamota ta'anii, nama hundumaatti karaa hundumaa gara-laafina haa argisiisan*!

*1 Rom 13:1-2; 1Phe 2:13

*2 2Xim 2:23-24; Filp 4:5; Qol 3:12;

Mat 5:5

3 Nuyis takka wallaalota, warra hin abboommamne, warra karaa irraa goran, garba kajeellaa fi hawwa garaa garaa isa foon gammachiisu, warra guyyoota keenya hamminaa fi hinaaffaadaahan dabarsine, namoota biratti jibbamne, walii keenyas jibbaa turree dha*. ⁴ Garuu gaarummaanii fi jaalalli Waaqayyoo fayyisaan keenya ittiin nama jaallate yeroo isaatti in mul'ate*. ⁵ Waaqayyoo hojii nuyi qajeelummaadhaan hojjenneef utuu hin ta'in, akka araara isaatiitti dhiqannaa lammaffaa dhalachuutiin, haareessuu hafuura qulqulluutiinis nu fayyise*. ⁶ Hafuuriichis isa inni karaa Yesus Kristos fayyisaa keenyaa arjumaadhaan nu irratti dhangalaasee dha*. ⁷ Waaqayyoo, ayyaana Kristosiin qajeelotatti lakkaa'annee, abdiidhaan jireenya bara baraa akka argannuuf kana nuuf

godhe*. *Dubbiin kun amanamaa dha; warri Waaqayyotti amanani hojii gaariitti qabamuudhaaf akka dhimmaniif, dubbii kana cimsitee akka qabdu nan barbaada; dubbiin kun namaaf ba'eessa, dhimmas in baasaaf*.

*3 Efe 2:2-3; 5:8; 1Qor 6:11

*4 2:11

*5 2Xim 1:9; 1Phe 1:3; Yoh 3:5; Efe 5:26-27

*6 His 36:25-26; Yoe 2:28-29; HoE 2:15-18

*7 Rom 3:26; 8:24-25

*8 3:14

9 Waliin morkiin gowwootaa, hidda dhalootaa lakkaa'uun, wal loluun, waa'ee seeraa irratti wal qoccoluun garuu, waa'ee hin baasu, gatiis hin qabu; kanaafis irraa fagaadhu*! ¹⁰Nama barsiisichaan mormee akka yaada isaatti cabsatu immoo, ala tokko, ala lamas erga gorsitee booddee dhiisi*! ¹¹Namni akkasii waan hundumaa irraa jal'atee cubbuu hojjechuu isaa, nama ofii isaatii ofitti farade ta'uu isaas beeki*!

*9 1:14; 2Xim 2:14

*10 Mat 18:15-17; Rom 16:17; 2Yoh 1:10

*11 1Xim 6:4-5

Ergaa Phaawulos Gara Filemonitti Erge

Nagaa

1 Ani Phaawulos, Kristos Yesusiif jedhee hidhamee utuun jiruu, Ximotewos obboleessa keenyaa wajjin, gara Filemon jaallatamaa hojiittis hidhata keenya ta'eetti*, ²akkasumas gara obboleettii keenya Aaphifiyaatti, gara Arkiphos isa wal'aansoo keessatti hidhata keenya ta'eetti, gara waldaa mana keetti walitti qabamuutis, kana caafuu koo ti*.

*1 Efe 3:1; 4:1

*2 Qol 4:15,17; Rom 16:5

3 Waaqayyo abbaan keenya, gooftaan keenya Yesus Kristosis ayyaana, nagaas isiniif haa kennu*!

*3 Rom 1:7; Qol 1:2

Gara Dhumaatti Gorsuu Isaa

12 Ganna Niqopholiisin ba'uudhaaf murtoo waanan godheef, yeroo ani Arxemaasin yookiis Xikiqoosin gara keetti ergu, ariitiidhaan achitti ana bira dhufuuf dhama'i*! ¹³Zenaas isa seera-beekaa sanaa fi Apholosin, akka isaan waan tokko illee hin dhabnetti hamma siif danda'ametti gargaarii karaa irra buusi*! ¹⁴Namoonni keenya copha hin qabnee ta'uu dhiisanii, wanta cimsee barbaachisu gargaaruu akka danda'anitti, hojii gaarii hojjechuudhaaf of kennuu haa baran*!

*12 HoE 20:4; Efe 6:21-22; Qol 4:7-8; 2Xim 4:12

*13 HoE 18:24; 1Qor 3:5-6; 16:12

*14 2:14; 3:8; Yaq 2:14-26; Mat 5:16; 7:16-20

15 Warri anaa wajjin jiran hundinuu nagaa siif dhaamu; amantiidhaan warra nu jaallatanitti nagaa nuuf himi!

Ayyaanni hunduma keessanii wajjin haa ta'u*.

*15 Filp 4:23

Jaalalaa Fi Amantii Filemon

4 Yeroon kadhata koo keessatti maqaa kee dha'u hundumaatti Waaqayyo koo nan galateeffadha*. ⁵Jaalalaa fi amantii ati gooftaa Yesusii fi, warra Waaqayyoof qulqullaa'an hundumaafis qabdu dhaga'eera*. ⁶Wanta gaarii ta'ee nu keessatti Kristosiif hojjetu hundumaa hubatee, hojii amantii keessaa hirmaachuu kee caalaa akka mul'iftuuf nan kadhada*. ⁷Yaa obboleessa ko, ati warra Waaqayyoof qulqullaa'an garaa ciibsiteetta; kanaanis ani jaalala kee keessaa gammachuudhaaf jajjabina baay'ee argadheera*.

*4 Filp 1:3-4; Efe 1:15-16; Rom 1:8

*5 Qol 1:4

*6 Gal 5:6; Filp 1:9

*7 2Qor 7:4

Gaaffii Waa'ee Onesimosiif Gaafate

8 Ani waan gochuun siif ta'u si abboomuudhaaf karaa Kristos ija jabi-na illee qaba; ⁹garuu ani Phaawulos jaarsichi, ammas Kristos Yesusiif jedhee kanan hidhame, jaalalaaf jedhee si gorsuu nan fo'adha*. ¹⁰Waa'ee ilma koo Onesimos isa ani mana hidhaa keessa taa'ee abbaa ta'eefii, sin dha-geessifadha*.

*9 la 1; 2Xim 1:8

*10 1Qor 4:15; Qol 4:9; Gal 4:19

11 Innis dur siif dhimma kan hin baafne ture; amma garuu siif, anaafis dhuguma dhimma kan baasuu dha. ¹²Isa deebisee gara keetti ergeera, garaan koos isa duukaa dhufeera. ¹³Ani illee wangeelaaf jedhee yeroo ani hidhamee jiru kanatti, qooda kee akka inni anaaf hojjetuuf of bira tursiisuu barbaadeen ture*. ¹⁴Garuu hojii gaariin ati hojjetu giddiidhaan utuu hin ta'in fedha garaa keetiitiin akka ta'uuf, yada kee duuba ani waan tokko illee gochuu hin jaallanne*.

*13 Filp 2:30

*14 2Qor 9:7; 1Phe 5:2

15 Tarii yeroodhaaf si irraa gargar ba'uun isaa yeroo hundumaa ati akka isaa wajjin haftuuf ta'a. ¹⁶Si'achi akka obboleessa jaallatamaa isa garbichaa oliitti isa fudhadhu malee, akka garbi-chaatti miti; anaaf iyyuu erga akkas jaallatamaa ta'ee, siif immoo namummaa isaatiin, gooftaattis attam caalchi-see siif haa ta'u ree*?

*16 1Xim 6:1-2; Efe 6:5

17 Ammas ani hidhata kee ta'uu koo kan yaaddu erga ta'ee, ana akka na simtutti Onesimosin simadhu. ¹⁸Inni waa sitti balleessee yoo jiraate yookiis gatii yoo isa irraa qabaate anatti lakkaa'i! ¹⁹Ani Phaawulos "Gatii isa irraa qabdu siifan baasa" jedhee kana harka kootiin caafuu koo ti; kana malees oolchaa kootiif akka ati ofii kee gatii gootee anaaf baasuun si irra jiru sitti himuu ana hin barbaachisu*. ²⁰Egaa yaa obboleessa ko, maqaa gooftaatti dhimma kana anaaf raawwadhu! Kristosiif jedhiitti garaa na ciibsi.

*19 Gal 6:11; 2Tas 3:17

21 Waan ani sitti himu irra caal-chiftee hojjechuu kee beekke, abboomamuu kees amanadhee, kana siif caafeera.

22 Achumaan immoo kadhata keesaniin Waaqayyo isiniif na kenna jedhee waanan abdadhuuf, iddoo buufataa anaaf qopheessi*!

*22 Filp 1:25

Gara Dhumaatti Nagaa Dhaamuu Isaa

23 Ephafraas, maqaa Kristos Yesusiif jedhee anaa wajjin hidhamee kan jiru nagaa siif dhi'eessa*. ²⁴Maarqos, Arisxaarkos, Deemaas, Luqaasis hojjiitti hidhata koo kan ta'an nagaa siif dhi'eessu*.

*23 Qol 1:7; 4:12

*24 HoE 19:29; 27:2; Qol 4:10,14; 2Xim 4:10-11

25 Ayyaanni gooftaa keenyaa Yesus Kristos hafuura keessanii wajjin haa ta'u.